



廿六

景泰元年 至三年

國權

景泰元年

六月朔上皇在漠北

塞通濟河東西決口

戶部右侍郎沈翼自直沽抵徐州備運

太子太保兼吏部尚書王直率諸大臣言上下神祇陰誘

秉使來請和臣等切惟陛下大賢嗣登天與人輸永無

二陛下隆敬兄之心尊為太上昭告天地宗廟社稷名

鹽官談遷孺木著

位已定天下之人皆以為宜令車駕還中太上尊居  
不復事天臨民陛下但盡崇奉之禮即稱天倫之厚伏望  
俯從請遣使答之如果至誠即別令大臣迎駕工曰朕  
非貪此位卿等強樹焉大兄蒙塵五遣使不聽而復紛  
紜何衆懼兵部尚書于謙從旁對曰天位已定寧有他第答  
使盡禮紓目前得為備耳上色解曰從汝從汝既出工  
使追問曰即使誰可者孰為富弼文天祥王直對曰孰  
非廷臣孰敢不應  
久雨通濟河決

甲戌遣視濟南東昌兗青旱災

復郭原陝西按察副使食正三品俸王瑾咸陽知縣食正六  
品俸

夜大星青白光自紫微東籜涿天紀

松潘贖罪仍輸米初輸米左副都御史王來改輸鉄二十五

斤准石粟

丙子江西道監察御史胡拱辰為貴州布政司左叅政

命光祿寺炒米萬石餉宣大

丁丑運河南直隸京糧三十萬石於保定易州又河南麥四

萬石運真定山東麥五萬石運定州

福建餘賊羅正廖寧伏誅賊據陳山寨官軍購之邑人羅文

通等佯通賊飲不佛寺執之

湖廣按察僉事韓陽子昌言上三事敬天命法祖宗攬樞綱

上是之

辛巳都督同知董興為後軍右都督都指揮使武毅為都督

僉事

真定操備署都指揮僉事王信鎮守真定

壬午勅戶部郎中謝佑往山西役三萬人僭運大同

刑部右侍郎江淵同都指揮同知翁信脩鴈門關

二千餘騎犯大同總兵官定襄伯郭登擊卻之斬五級

右都督孫鍾仍領三千營

復歐復衡水知縣貪從六品俸

昏刻月掩心宿

癸未募商中鹽蔚州

許諸生納粟倒馬紫荆關給冠帶仍應試

提督遼東軍務左都御史王翱以海西建州李滿住刺塔等

屢入寇議分三路擣滿住凡察董山三寨後問罪海西命酌

而慎之

乙酉監察御史桂怡闕內府各監局工匠等十餘人上工不  
懌自後御史不點聞

五軍營都指揮僉事王濬言束伍法及練兵圖命行之

蘭縣貢士段堅上二事曰遠闈寺罷各處內臣監軍復掃除  
傳命之役曰闈異端銷道佛像銅鉄補軍器汰僧道充伍配  
以尼姑下禮部格之

丙戌也先伯顏帖木兒奉

上皇至大同城下聲言歸蹕總

兵官定襄伯郭登等朝服候於闈頓首置座 上皇不下馬

登伏壯士城上約駕入下懸闈及門 覺擁 上皇去

賑高山衛軍餘

浙江都司獄逸

夜天鳴

丁亥左都御史陳鎰王文等言司禮太監金英舍人李慶等  
多支官鹽有淮安知府程宗以民舡六十餘艘私載引鹽拉  
死榜人坐慶絞餘俱杖不以劾英刑科給事中張聰等論英  
稔惡鎰等長奸 上曰英朕自處之下鎰文及御史宋瑛謝  
琚錦衣獄時各道御史皆引伏宥之已宥鎰等

昏刻東南天鳴初更盡而息

戊子自懷來築斥堠抵於京師土城

二千餘騎也宣府賈家營總兵官左都督朱謙遣指揮牛

璽都指揮聶勝以一百騎禦之南坡謙以自四千人援之戰

南門外卻之

夜月食

己丑太原知縣劉敏為同知

復李遜嘉興知縣食正六品俸

庚寅萬餘騎攻大同西路右叅將都督僉事許貴擊斬二

十七級

辛卯免榆次縣災租

犯懷來麻峪口永寧荆子村

夜月犯雲雨西南星

壬辰命右副都御史羅通鎮守山西初兵部于謙恐山西控

動擇大臣鎮之昌平侯楊洪乞文武大臣自鳳門關護運大

同俱委通通不欲行疏刺二臣上不聽

十七騎入棒槌峪切責白羊口守備都指揮僉事段昇捕之

甲午城臨清

分將守都門石亨楊洪柳溥張軌孫鏜衛穎過與張義雷通  
劉得新陳友李全王瑛崔福劉鑑張通每營二萬餘人俱土  
城內外  
革大臣舉保御史各道監察御史張子初<sup>等</sup>之言  
蠲貴州宣慰司田租萬三千二百六十餘石  
以免金華溫處<sup>等</sup>口食鹽鈔

尾刺阿刺知院遣參政完者脫歡等五人至懷來求赴京進  
貢許之

丙申勅右都督楊俊率京軍五千巡涿易保定真定定州

都指揮僉事石彪為游擊將軍都指揮同知署都督僉事巡

太原平陽

復長福渾源州判官食祿六品俸

命福建都指揮僉事蕭華回軍勦慶元等縣賊

築丹陽決隄

丁酉勅守備戚遠衛指揮使儲瑾為都指揮僉事賞其初

功

戊戌完者脫歡入朝

太常寺少卿章文為南京太常寺卿



免濟南災租十四萬四千八百五十三石

萊陽人執知縣牛俊想京掠其貲辱其孥命俱戍鉄嶺衛

己亥禮科都給事中李實為禮部右侍郎大理寺右寺丞羅

綺為右寺丞將使瓦剌

庚子李瑾嗣襄城伯李珍弟

肅府儀衛司餘丁聊讓上言宋宗澤岳飛為將胡人不敢呼

鳴韓琦范仲淹當道而賊聞之破膽今訪智術才能之士布

滿朝廷則可馴也又痛抑宦寺旌直言吏，寇邊則嚴拒

之不必窮追彼來歸則宴賞遣之不可留居中國，上深然

之

辛丑少保兵部尚書于謙言，使請和而邊閭窺伺自如兵

法曰無約而請和者謀也況也先校假和緩我備而別部攻

襲閩隘侵犯京畿，上是之勅各邊嚴備

壬寅也先使臣哈丹納察罕至大同求赴京命李實費賞付

而止之

廣東布政司右叅政郭循卒循廬陵人，進士授刑部主

事有或稱宣德時拓西內循極諫不可，統禮累至大內詰之不

屈射傷其顙流血下錦衣獄正德初釋進劄中薦陟廣東值

寇亂有勦捕功

七朔外朔工皇在漠北

遣禮部右侍郎李實大理寺右少卿羅綺指揮使馬顯偕完者脫歡使兀剌勒脫、不花王曰我國家於可汗恩意良厚往年奸臣戒賞遂失大義今各邊尚殺掠朕欲命師念上天之赤子可汗殺華人朕亦胡人與自殺之何益近知院奏約束各部深合朕心特報可汗以副天心勅太師也先曰阿剌使來議和而近邊尚劫掠是情與詞異朕不惜大戰但害生靈故特諭此意又勅阿剌并遣可汗及也先阿剌各百金織

金文綺一其知院帖木兒以下給賜有差時勅不及迎復事李實驚白內閣太監興安論曰爾等奉黃紙以行他何與焉脫、不花王遣使臣皮兒馬黑麻入貢

蠲廬陵災租

甲辰故都督官聚王喜張斌降指揮僉事

丙午故信國公湯和曾孫胤勳為錦衣百戶

減內府酒醋麵局廚役百五十人

丁未大星赤色自參宿添天園

己酉復王學古信豐知縣趙應浮梁知縣俞從六品俸

南京太常寺卿徐初致仕寺丞馮必政刑籍初南京災異迭見科給事中林聰等劾初年裏必政為妖婦焦奉真也邪佞進身當斥吏部覆奏從之初永樂間仙女焦奉真薦母舅馮仲彛為太常寺丞仲彛卒又薦其孫必政為真武廟官尋授贊禮郎正統十二年仙女又乞陞進寺丞

沈德符曰此女之果仙與否不可知然歷事四朝屢祈息澤有求必允此必有深當聖心者意南唐耿先生之派與

庚戌初忠勇伯蔣信

本名把台從土木

屬賽罕王帳下至是

故部曲伯顏答里從皮兒馬黑麻入京告少保于謙曰把台

心在南特無路耳謙奏把台列爵受祿一旦悖德曲全其象不加擊僇把台未必知之况用間者勝道也宜令伯顏答里北還衆諭把台使知家屬無恙或殺也先來歸即授王爵必不吝從之

辛亥獄驛開壩等官在南北畿各赴南北吏部考復

減慶元縣歲辦課鈔

貴州賊阿趙偽稱趙王掠清平等衛總督侯璉擒入京伏誅

壬子巡撫直隸大理寺少卿李奎予告

皮兒馬黑麻語我館伴曰閩外十四城皆為我困昨阿刺知

院議和尚遣朝使今可汗及也先遣我必須大臣往報否則  
無濟禮部尚書胡濙等以聞下廷議吏部尚書王直等請遣  
使上曰李實等方行俟其還酌之

甲寅金山衛指揮同知侯端為署都指揮僉事

國子監助教劉翔言祖宗制作寢備惟慶成之宴視樂之  
儀釋奠之祭雅樂未作宜勅儒臣撰詩協之律呂如古靈臺  
辟雍清廟湛露之樂至春秋學祭贊相急促首唱升壇亦甚  
無謂夫既廟則非壇壇矣又樂器列靈臺之上使堂上堂下  
之樂混於舞列非禮也乞改正為四方式初幸學釋奠皆不  
設樂慶成宴惟教坊供奉春秋奏大成雅樂修鳴條止殊促  
密不成聲翔雖言之迄不能用

翰林院侍講吳節劉定之主試應天

丁巳太常寺少卿趙榮為工部右侍郎

脩江都儀真圩壩卹災民

旌萊陵王庶長子鎮國將軍範址孝行

庚申右都御史楊善工部右侍郎趙榮都指揮同知王恩錦  
衣衛正千戶湯胤勸使瓦剌借皮兒馬黑麻以往禮部尚書  
胡濙等請量齋服食御用 太上所需不報

夜天鳴

辛酉令湖廣四川雲南罪人赴貴州納贖時苗賊攻龍里等  
衛

募商中鹽廣西糴米備餉

令南畿湖廣浙江江西羅成補伍貴州

免海州及安東鹽城水災田租四萬三千五百九十石除邨

鄴旱災田租

癸亥禮部右侍郎李實等至自瓦剌實等入也先營也先問  
侍郎何為來實曰自太師祖父至今朝貢中朝三十餘年矣

使臣進馬中朝好待減少馬價皆奸臣王振為之乃致動兵

淹駕令瓦剌知院以可汗太師之命特遣叅政求和皇

帝所以使我來也也先曰減馬價奸臣為之我誠欲歸皇

帝中朝不迎我使張閔保岳謙又殺之何也實曰太師漫山

而來不由關道從人作寇復分寇諸閔閔保護名為使臣引

張弓矢輒關殺中朝皇帝不能無疑於太師也曰此不

過送駕為詞耳也先曰我遣者盈不花二人又何故殺之

我是以有寧夏之役實曰沿邊關口多者十餘萬少者亦不

下二三萬人太師向日南侵其父兄死焉今其報者皆子弟

也此亦人情且太師所遣若無南使同行或為兀良哈所害  
或為邊卒所殺又烏得知之軍中割一首不陞官即得賞亦  
何知殺太師之所遣人也也先曰我遣李貴又不還何也實  
曰無有李貴既曰我知之矣近者夜不收言大同城東八里  
殺屍四五十<sup>餘</sup>一屍探其囊牒云太師所遣人邊軍畏而不敢  
上聞此必貴也太師遣貴賚文書而已朝廷又不知若叅政  
等來朝廷知之重賞厚待特遣我報命豈殺之耶也先曰我  
遣喜寧何故殺之實曰喜寧中朝罪人也自幼及長層累蒙  
恩令齎金帛以迎上皇腹心託之乃引領太師入寇京師

復寇寧夏朝廷殺之戒不忠也也先曰大明皇帝我仇人  
也天落我手或教我殺害不之聽使得知院朝夕恭敬若我  
落中朝不知處所矣實曰此太師德然皇帝於太師亦何仇  
焉也先曰侍郎來甚善不我又大舉矣因治酒餉馬與行  
三十里至伯顏帖木兒營朝上皇上皇皮帳布幃席地而  
寢獨袁彬等三人侍傍牛車一輛馬一以備徙營起居畢實  
等泣上皇亦泣曰為天下生靈躬獎六軍不意被陳友王  
振等所陷念非樂酒從獸以至於此也也先送我固其心喜  
寧導行引破紫荊關再圖京城以此不得還歸後嘗一到小

黃河一到乾河又復阻也先送我振寧死矣陳友罪不可赦也因問三宮安否問舊臣一一道其名氏又來何操實預首以通問無所將上皇曰它亡論第語官家迎我歸守園陵耳實曰臣誠痛陛下昔日錦衣玉食今至惡陋輒有白粲數升欲進御上皇曰此小節耳朕念歸也實曰日王振一宦寺陛下何過寵之以至今日上皇曰我亦知之當時人皆不言今乃罪我一悔何及實退歸也先營也先殺馬為酒令十餘人彈琵琶吹笛兒按拍勸歌其妻珠璣覆面傳酒歌舞為笑樂也先曰侍郎來時心無恐與實曰何恐之有通使講和禮也太師營中即我一家也先曰侍郎見上皇心無念與曰有不念耶我等之念上皇猶太師之念可汗也也先曰念則曷不迎實曰朝廷四遣金帛矣太師不發也即與我迎歸相勞故不薄也先曰上皇留此我國不得皇帝之我欲留千載後名一男好子令送上皇還矣顧侍郎奉勅初不及迎事皇帝歸故不可歸侍郎往可請令皇帝遣一太監或老臣三五人以禮至上皇歸也實復朝辭上皇請反國之日引各避位上皇嘉之日暮上皇情凄然也先遣其酋與羅綺往山西大同徵回胡騎以示信語實

迎駕期實曰臣子不敢自為期需朝命辭還伯顏帖木兒指  
也先幼子曰此議姻尚主者也實不敢對也先遣右丞把禿  
與俱來貢貂馬時邊儲一空使臣至闕始命光祿寺供具至  
懷來居庸又給百金實還朝具述上情及上皇起居狀寧  
陽侯陳懋吏部尚書王直等言臣等共詢李實言出塞道中  
行群上聞欲議和皆舉手加額及見也先殊喜言迎使上來  
大駕朝發天日上決非妄言引見上皇亦謂上信上  
皇凄切不忍之情實又具道臣等切詳上人悔過請和實天  
地宗社之福宜仍遣實詣上迎復上曰上詐楊善已去第

以迎復之意書勅付上使足矣

勅大同宣府遼東甘肅諸總兵以上一月內還駕或誘陷邊

城毋墮其計

戒良鄉縣稅課之半

遣辦事官趣各鎮守撫按錄因論報

乙丑寧陽侯陳懋吏部尚書王直等言上非詐也臣等詢李

實詳矣上使來和上遣使答今請迎復乃不與偕是輕迎

駕重講和也上之復疑和且不終不迎駕歸何以和為上

未決令再議



初大同館北使於東關禮接豐潔至是兵燹後改館宣府  
裁廣南府丞官同知知事檢校

丁卯復李敏應天府尹食二品俸

薛輔嗣永順伯薛綬子

陝西行都司帶俸都指揮使李榮為署都督僉事

禮部右侍郎李實言也先約臣迎駕毋出八月五日臣言須

得朝旨不敢擅為期也先言此期決不可失遂令酋長同羅

綺往大同諸邊調回侵騎臣還過宣府懷來見軍民始敢出

郊為牧誠非空言臣曩將命止為講和迎復日期實出也先

伏望陛下俯從群請即遣才智大臣往脫有詐亦可塞

之過期更欲使臣亦不敢往上命再議把禿還竟勒付

之果還駕即楊善等迎回

寧陽侯陳懋吏部尚書王直等復言事會不再機不可緩願

陛下體上皇之心順臣民之情不然人指此為兵端

矣乃命擇人以間群臣皆言李實方從來得其要領即實

不再上竟不遣日待楊善歸

監察御史畢鸞等言群臣之情切矣陛下必待楊善歸夫

中國所恃者信義也不迎不義失詞不信就令詐我備在

也。不報。命御史出遣仍歲代初四方多事或命二三年至是左通

戎辰禁邊城毋徼私負。政樂憚言之。募吏自臨清運米三百石如代州給冠帶。已已翰林院檢討邢諫。陛下所不遣使迎復者豈非以

為不足信與。審以不足信則前者不必講和矣。我所以

和為迎。上皇也不迎而和將安圖哉。天下事成敗勢也當

為理也。不足信勢不可知。陛下迎復理則當為。陛下

於。上皇君也。見也。陛下從群臣請仍遣李賢往迎。駕

之歸否未可知。而陛下愛君篤兄心已著於天下矣。兵家

之曲老直壯。上皇不迎彼藉為辭假大義而入寇臣不敢

謂我直也。彼許我迎願復無窮曲乃在彼。厲兵秣馬以興闢

罪我則壯矣。陛下若以。使既行事難再舉請急追還遣

實同之。追而不及使實自行。聞之且曰中朝迎復信矣

所重遣使或者遲回觀我誠否則。上皇迎歸固可期也

上曰。上皇朕兄豈有不迎。情巨剝正欲探之情誠而迎

又何暮焉。廷臣累言之矣。朕所不報其意如此。

咸廣西慶遠柳州鬱林天河柳城洛容馬平宜山獐民田租  
之半蠲積逋賑其饑

左都御史楊善等抵瓦剌也先獵木見其館伴田甲來飲帳  
中田甲故漢人見善具叙平生問向者土木之師中國胡性  
也善曰當是時六師之勁悉南征而太監王振欲邀太上  
至故里一不為戰備故輕以卒予敵雖然汝家勝我亦福非  
也田甲曰何者善曰今南征之士悉歸可二十萬而又募中  
外材官技擊得三十萬思一大創汝家不吝官封爵賞汝家  
得晏然如曩時哉有告 皇帝曰馳板踰陘所恃馬若隱

鉄橛鑿置銳錐三尺可穿馬蹄勝蒺藜渠荅 皇帝曰善使  
治鉄橛銳錐有告 皇帝曰銅銃裝石砲傷人馬一而已毋  
裝如雞子石約一斗火之可疾迸教文許擊死多 皇帝曰

善使裝雞子石砲有告 皇帝曰廣西四川窮山蠻獠多置  
機子弩射虎豹毒藥傳箭首人馬皮肉立潰爛 皇帝曰善  
使求射虎豹傳子弩之毒藥選能射者三萬人習之有告

皇帝曰今火銃門四層放已乃藥入有間馬突無隙若為  
兩頭銃裝鉄彈數枚毒藥附彈若一馬來齊發可如風雨  
皇帝曰善使造兩頭銃四門藥試之三百步外馬腹穿今中

國之騎皆已精中國之士皆已銳而皆已矣置之無用矣曰  
甲曰何也曰和議成方且權飲若兄弟而又何用也明日田  
甲還報也先見善坐定善前曰太上皇帝朝太師所使  
必三千人歲必再即稚子無帛齋者金帛器服絡繹載道而  
太師乃背盟好而見攻何也也先曰何削我馬價又予我帛  
時有剪裂幅不足者我是以南耳善曰非故削馬價也太師  
之馬歲益增價亦不繼而不忍拒是以微損之太師自度價  
所得比前孰多也先曰者其稱者漢語是也善復曰帛有一  
二剪裂幅不足者諸通事為之也事露而誅矣即太師所使  
進馬有劣弱而貂皮敝豈太師意耶也先又曰者善曰曰太  
師之攻我兩矣所磔殺剗剗以數十萬計而太師之部曲寧  
無有血吾刃者上天好生太師獨好殺夫是以歎有雷警今  
者能奉太上歸我和好不絕器幣溢於穹廬而黎庶彼此俱  
逸不亦快乎也先益喜曰者者曰謂善曰歸而太上皇帝  
有重寶來購予善曰太師得重寶而歸我太上皇帝天下  
後世謂太師貪重寶也歸我太上而不索重寶天下後世  
以太師貴信義而賤貪黷令名奕、何況我之德太師無已  
而重寶以漸繼也也先笑曰者者都御史好為之

庚午也先引楊善見上皇善再拜進醪糲問起居侍立不  
敢坐也先數目上皇上皇謂善太師與汝坐則坐善頓首  
辭曰雖草野不敢廢臣禮也先噙指謂其下曰咄汝曹中  
國禮乃若此

辛未伯顏帖木兒設宴餞上皇錦衣千戶湯胤勳嘗從帳  
中朗誦其所著平胡論館伴目攝之曰彼輩何為哉恨不殺  
之耳也先餞上皇自彈琵琶其妻奉酒

夜大星青白光燭地自雲雨流匏瓜

是月右都御史王來率兵抵辰州

壬申朔上皇在漠北

水西頭目阿忽阿堆阿五阿體加納阿遣六家乞降附許之  
直文華殿照磨任道遜朱奎凌敬汪景昂直御用監序班嚴  
環干信俱能書授中書舍人

副都御史馬昂致仕

苗賊掠淑浦沅州總兵官梁瑄遣兵敗之擒渠帥十七人斬  
五百餘級  
也先伯顏帖木兒餞左都御史楊善等上皇將行也先築  
土臺坐上皇臺上率妻妾酋長膜拜獻鞍馬貂銀二鼠

皮襖弓矢賽刊王亦打野盤進酒 上皇行也先等送可半  
日程下馬羅拜伏哭而去伯顏帖木兒獨送至野狐嶺進酒  
帳房既畢屏人語使哈銘上奏天使 皇帝來我遊荒我也  
先順天之意故事 皇帝一年矣 皇帝此來為天下也為  
遼城也歸時還當作 皇帝作皇帝即我主人有緩急我可  
得工聞其所部伏道旁進羊馬善口呼 大明皇帝行矣伯  
顏帖木兒再送駕出野狐嶺口 上皇攬轡慰藉而與之別  
伯顏帖木兒大哭歸而放圍得獐平章昂克射得麋追獻之  
甲戌平鄉知縣丘陵為真定知府

丙子城安慶廬州歲辨蘆柴并折色鈔

楚府大治王李煥薨年二十二謚悼僖

夜大星赤光燭地自望宿派雲中四小星隨之

丁丑免貴州普定興隆等衛屯租

夜月犯房宿大星青白光燭地自閣道派太子旁

戊寅翰林院脩撰周旋為侍讀

江西布政司左叅議夏時為廣西左布政使

城開城縣

山西都司令史賈斌上所編忠義四卷報聞上言桓帝權歸

憲暨文宗受制家奴徽欽信用闔寺馴致敗亡 太上皇去  
國亦由此輩 皇上肇登寶位宜法 高皇帝以為治事無  
大小悉徑宸斷寺人專脩洒掃凡阿諛者必斥之端本澄源  
則天下一新矣臣於歷代直諫之士與特寵宦官錄成四卷  
名曰忠義集乞刊布臣僚必能觀感尚書胡濙言斌離役發  
回原衛

大犯遼東總兵官左都督曹義都指揮王祥耿和等追至連  
州斬七級擒四人左叅將胡源又追至鷹湖擒三人斬三級  
已卯翰林院侍講學士劉鉉侍講陳文王試順天

淮安知府程宗以民船六十餘艘為太監金英私載且受賂  
請戍遼東

庚辰勅禮部具迎復儀注兵部總戎具防變方略先是累奏  
不得旨至是群情欣慰朝下廷議左都御史王文厲聲曰來  
耶來耶不索金帛必索土地便謂 上皇來耶皆相顧莫  
敢言于謙曰防變方略謙之職也胡濙上儀注宜令都堂官  
一人至龍虎臺錦衣衛堂官一人并官校執丹陛駕輦至居  
庸關各衙門分官迎接土城外 太上皇入安民門東上北  
門坐 皇帝見羣臣朝 太上皇自東上南門入南城大

內上曰迎居庸用輿一馬二丹陞駕第迎安定門內命禮部左侍郎儲懋至龍虎臺錦衣衛指揮僉事宗鐸至居庸關太常寺少卿許彬迎於宣府戶科給事中劉福等言禮太薄上曰朕之即位非得已也尊稱太上何云薄耶禮部會議之胡濙言福無他意大抵欲引皇上篤厚尊親上曰是太上皇自中寄言迎禮從簡朕敢違也

夜月犯南斗魁

辛巳也先遣五百騎護

上皇入京宿宣府右衛城外

壬午宣府總兵官都督朱謙迎宣府城外初郭登語哈銘曰

駕若還大同路阻士馬疲乏非所以示強自置鎮可也

癸未朝退諸大臣得一無名書聚觀之書上脩史先生隱其

名言都人一聞駕旋人人喜躍近之不厭遠望可知今日宜

請主上厚奉迎之禮避位婉辭然後受命因述唐肅宗故

事諸臣曰若封進或可感動上心胡濙以語同官王直曰

可禮失而求諸野王文曰不可匿名書不得以告禮科給事

中于泰以聞上詰濙何從得書濙言臣得之高穀上怒

命按捕其人高穀曰臣隸道拾之干戶龔遂崇出承曰臣為

之胡濙因奏唐天寶之亂玄宗幸蜀肅宗即位靈武尊玄宗



為太上皇帝肅宗收復兩京迎還上皇至咸陽備法駕望賢  
樓上皇在官南樓肅宗著紫袍望樓下馬趨進拜舞樓下上  
皇降樓拊肅宗雨泣辭黃袍自為肅宗着之肅宗伏地頓首  
固辭上皇曰天下人心皆歸於汝使朕得保養餘齡汝之孝  
也肅宗乃受此已行之令與政可効之良規今備法駕安定  
門內誠為太簡上曰慮墮詐故簡其禮但大兄入城朕  
知尊親朕今迎太上皇東安門內叩首昇率群臣從至南  
城內便殿太上皇升座朕行禮畢群臣皆朝母再紛更下  
遂榮徽會赦猶杖之

上皇駐宣府行殿少卿許彬迎駕至彬草詔諭文武群臣曰

朕之不明蔽於權奸被留廷嘗寫書朕弟嗣皇帝位幸天

地祖宗之靈皇后皇帝惻念之切俾悔過送朕還京

國家機務朕弟惟宜爾文武群臣務悉心以匡其不逮朕到

京日迎接之禮悉從簡略仍命彬諭祭土木陣亡吏卒

甲申翰林院侍讀商輅迎於居庸關

時禮部復請迎駕安定門外各衙門分官詣龍虎臺臣民迎

土城外會太上皇詔至上曰太上皇命簡朕事已定

昏刻金星犯亢

乙酉戶部郎中盧欽督運浙江京糧

上皇至后庸閱諭侍讀商輅曰朕回京願退閒卿為朕草書  
與皇帝并諭文武群臣馬至雙泉賜表彬白綾衣及也先  
所獻戰裙賜哈銘衽褥鞞

總督雲南兵部尚書侯璉卒璉字廷玉澤州人永樂甲辰進  
士授行人進兵部主事征胡功進郎中從征麓川擢禮部右  
侍郎鎮守雲南勦麓川餘孽遷兵部左侍郎總督軍務已尚  
書屢勤行間受賞賚賜祭葬子爵蔭錦衣衛正千戶

郭子章曰甚矣兵之不易言也古人發兵頭鬚為白豈徒  
白頭抑且嘔心候尚書卒於普定張惠安岳卒於沅州豈

非所謂鞠躬盡瘁死而後已者乎近者播州之役張監軍  
棟楊監軍寅秋吳總兵廣俱以賊平病沒嗟乎是苦也惟  
同嘗膽者知之耳敵破臣亡誰暇計人苦乎哉

夜大星赤光自建星涿尾宿二小星隨之

丙戌上皇還京至東安門胡騎猶揭蓋視候上迎拜門  
內上皇下馬相持泣各述遜位意良久入南宮群臣隨請  
見勅曰童以眇躬辱國喪師有玷宗廟又何顏見爾群臣乎  
不許

李賢曰此事雖由也先累受國恩一念之善不可過向非

使臣負忠義之氣發於言詞應對不窮聳動觀聽陰折凶頑頓開其向善之心則彼未必不猶豫遲留要索重利往復再三安得一旦慨然無疑以出乘輿於不測之境哉夫宋屢使奉迎徽欵不得祇見其辱耳嗚呼使臣若此千載一人而已

劉棻曰 英宗土木之難幾不免矣也先之母告其子曰吾蘓州人少隨夫戍邊被掠生汝吾念舊臣懇且泣以請也先從之

王鏊曰 英宗北狩蒙塵人悔禍旋奉駕歸此自古所

無也 國家國勢之強亦人事有以中其機會是時 成

王監國不欲急君邊人謝之曰中國有主矣人抱空質

而負大義於天下所以亟、來歸蓋合鄭公孫申之謀也

魯成公時晉執鄭伯公孫申曰我出師以圍許為將改立

君者晉必歸君故鄭人圍許示晉不急君也晉欒武子曰

鄭人立君我執一人焉何益不如伐鄭而歸其君以求成

於是諸侯伐鄭鄭伯歸趙王武臣為燕所得張耳陳餘使

往輒殺之欲分趙地半有廝養卒詣燕壁問燕將曰君知

張耳陳餘何欲燕將曰欲得其王耳卒笑曰君未知此兩



不勝則危矣國事已去安望其回鑿也且夫采二帝之不歸由於祈請之不已漢太公之得返由於分羹之一言碎之仇敵執大豕之質而索之贖大家竟欲棄之待訟而取期於訟之必勝而不期於質之俸還則仇人知留質無益原知不待訟而歸之為恩此也先一隙之明也

高岱曰振一宦者英宗寵之過遂至蒙塵幾亡宗社豈不為後世明鑒哉然英宗非游畝佚樂故第悞耳其被留所尚念軍民饑饉令刈秋稼入城以帝王之心哉得復國非幸也夫宋徽欽不返而英宗復辟雖天命有在亦事機不同曩即令憲宗嗣位則所重在彼勢不能絕欲不為高采宗亦難景帝則兄弟之義與父子殊也此謙輩所以立景帝有微意哉雖然英宗之得返則在此也此不急迎復彼將抱空質耳何利而不歸之使求之者急彼肯晏然已乎然則景帝雖恩禮有失而繼統為正廟號今所宜議復也于謙有定國之功而以冤死悲哉于慎行曰英宗北狩群臣請跡迎復至再不報首伯顏也先索人出迎至再四不報及送至都門竟無一介行李而於迎駕勢窮情極遂至自入景帝之心可知也當

是之時君臣大義骨肉至情豈足動其聽哉惟有利害可  
陳耳設有戰國策士必將說之曰今不急迎上皇一日  
以與上皇為名擁車駕於前入居塞上攻剽城邑守邊將  
吏不敢北而發一矢又迫上皇傳旨索金犒邊臣何  
以予之一年不還一年不止是坐而自困也此其小也萬  
一上皇怨陛下不迎扈從諸臣有如喜寧輩進策擁  
胡騎數萬結一二邊將由甘肅寧夏而入直至咸陽復正  
位號布告天下東向而請命於太后陛下胡以處周  
王以狄兵入有故事矣此其遠者萬一邊鎮親王有為不

軌之謀者以迎駕為名稱兵塞上假託祖訓合從諸藩  
即其謀不遂而朝廷固已多事矣惟有亟迎上皇奉入  
大內則群謀自解禍難潛消陛下安枕九重之上孰與  
懸口實於天下而陰受其害耶此言一出奉迎之使立遣  
矣而在廷諸公不聞有言及此者乃徒以君臣骨肉之說  
進宜其不入也何也利害之念重必有甚於所慮者乃可  
入也

何喬遠曰袁彬楊銘李實雖顯沛沛離不失君臣禮中國  
藉以大城下之迎當事大臣如于謙之才王直之文胡濙

之者舊高穀之用意思厚悉縮首穴視趙榮獨與王復挺  
身而出豈不壯哉李實楊善即非君子耶入不測一廷杖  
梧謾語有足術者善得封伯榮復亦至大官而實對上  
皇引咎自責數語業失上意及歸復作出使錄其詞浮  
誇又居鄉橫暴自媒求進以都御史坐斥為民子孫禁不  
叙或以封或不免於泮泮沈蓋士君子所以用世在居謙  
矣况夫君臣之際耶其中對語亦不可不存也

談遷曰衛成公歸自晉惠公歸自秦彼兄弟甥舅之國  
風敦德禮光復干乘若夫天子至尊貴也漢太公一虛號

尚割鴻溝而盟之故懷愆微欽游魂不返其地彌重則其  
挾彌堅况夷德無厭虞淵淪照即劉聰石勒完顏氏之後  
桀鷲不再而抱其空質以待馬之角烏之白將無漠北一  
老人天誰制焉又不然寢尋二三載漢兵之短長易見也  
利則歸之瑕則猶奇貨耳何也先之憤天與不取而使楊  
善收功顏頰之間社稷之靈也二三子之力也明之不  
為晉宋者幾希雖然晉宋惱矣英宗之仁景帝之決  
何晉宋之足云

朱國禎曰英皇之得歸天威亦天意也當是時于少保

以用兵為正鋒王文以拒絕不遣使為偏鋒偏本左也而  
及以濟正其中有莫之然而然者故能挽滔天之橫決維  
釐極於將傾而推本所自則又有說方高皇驅逐文  
皇孽庭雖深入窮追不遺餘力而所獲孫則封而歸之來  
降頭目則費而官之文皇時頒撫卹並至蓋攘卻中不  
尚斬伐一以涵育化導為主既已先天而峻大防存大體  
矣夫夷狄亦天之並生並育具有良心寧不後天而默  
順天意以報大息乎合前後觀之自為施受自為終始人  
皆囿其中而不自覺乃知二祖之規模弘遠而列聖

之享成所以安中國制外夷者正有未艾也

丁亥監察御史羅澄上三事聖學法祖敬天 上納之

戊子昏刻木星犯十二諸侯秦星

庚寅遣告天地社稷山川之神大赦天下詔曰朕奉先帝

聖體之遺適值國家中衰之運痛機務擅專於權倖致大  
兄悞陷於廷賴天地祖宗眷佑之隆荷母后臣民付託  
之重授朕大位俾紹鴻圖慰安人心奉承宗祀雖神器有可  
保奈王業以多艱夷內侵蠻苗外擾方茲攘除已定尚猶  
宵旰靡寧顧戒賊之難威思以誠而懷怨隸屢遣人重費其



金帛投一所好迎復一大兄素頑梗而弗悛豈怨仇之可匿  
方圖大舉遽見彰聞近月以來遣其親伏信闕朝貢固請講  
和至於再三悔見予詞款浮於過朕不得已為親而屈厚加  
金帛選使偕行敢謂德可動天自信誠能化暴一月十五日  
也先果遣五百餘騎奉送一大兄還京臣度交權宮庭胥慶  
朕即位之初已祇告天地宗社一大兄尊號曰太上皇帝  
禮惟有隆而無替義當以卑而奉尊雖未酬復怨之私姑少  
遂厚倫之願爰稱恩典溥及臣民所有寬恤事宜條列後於  
云於戲雪耻不以威而以德誠有伏宗社之靈遺民不於

勞而於安志在益邦家之福尚賴叔祖叔父群臣賢哲匡朕  
躬於不逮庶幾華夷蠻貊四方遐邇臻治效於無窮

辛卯戶部右侍郎江淵兼翰林院學士直文淵閣

壬辰右都御史楊善為左都御史仍署鴻臚寺事都指揮王  
恩等十七人賞金幣襲衣有差

特誅太監金英蒼頭李慶

癸巳宴一使奉天門

提督守備居庸關右僉都御史王竑疾還京

夜大星青白光自北落師門涿近濁

甲午皇十皇宴使於南宮

七未琉球入貢

尾刺正使塔台叅政刺來為都督僉事餘指揮同知四十三

人各給冠帶綵幣

貴州苗賊富盡等械入京伏誅苗首韋同烈據香爐山叛

戊戌召商中鹽肅州納米荳

大同總兵官定襄伯郭登製偏箱車工之工部謂可守不可

攻不果行

己亥起復南京兵部右侍郎杜寧

兵部尚書兼翰林院學士苗衷致仕賜勅子穉國子監學正

特除南京監察御史護行

僉都御史蕭啟提督居庸關

夜大星赤光自天舡流文昌

九月寅朔監察御史陳述張奎項總應灝胡瑞李玘楊進畢鸞

盛琦劉訓金愷清軍江西陝西河南福建湖廣山東四川山

西浙江廣東淮揚

癸卯命山西河南左右政使楊鼎年富筦運邊糧

築通州大運西倉城護餉

大理寺左寺丞段信卒信三原人正統丙辰進士授杭州推官擢御史進右僉都御史巡撫保定失事謫寺丞沒乞歸葬詔復其家

乙巳昏刻金星犯鉤鈴東星

丙午刑部右侍郎兼翰林院學士江淵改戶部

赤斤蒙古衛都督僉事阿速為都督同知

丁未免順天去年兵荒田租

左都督朱謙為撫軍伯都督同知紀廣為右都督

守備蘭縣都指揮僉事李進請製獨輪小車視賊勢為進退

戰守制小費燕從之

夜火星犯壘壁陣

己酉邠府審理副朱紱為湖廣道監察御史

庚戌翰林院侍讀商輅為學士

以大同鎮守太監陳公忤總兵官郭登召還公令右監丞馬

慶鎮守

夜土星犯太微垣上相星

辛亥都督僉事武毅為征蠻將軍左副總兵鎮守廣西

命澤潞平定汾之民轉餉大同

夜火星犯壘壁陣

壬子瓦剌脫、不花王貢馬賞例如也先

癸丑勅太保寧陽侯陳懋知經筵事戶部尚書兼翰林院學士陳循工部尚書兼翰林院學士高穀同知經筵事戶部右侍郎兼學士江淵學士商輅侍講學士劉鉉吏部右侍郎俞山禮部左侍郎儀銘兵部右侍郎俞綱國子祭酒蕭鏞左諭德趙琬兼經筵官侍講吳節趙恢徐理陳文劉定之周旋脩撰林文李紹編脩薩琦楊鳴呂原周洪謨劉俊陳鑑岳正萬安劉吉劉珣李泰檢討邢讓分直侍講武清侯石亨昌平侯

楊洪安遠侯柳溥太子太傅禮部尚書胡濙太子太保吏部尚書王直太子太保戶部尚書金濂少保兵部尚書于謙刑部尚書俞士悅工部尚書兼大理寺卿石璞左都御史陳鑑王文侍班

勅兵部尚書靖遠伯王驥總督南京機務

巡撫河南左副都御史王來為右都御史總督湖廣貴州軍務

甲寅脫、不花王使臣都督僉事皮兒馬黑麻為都督同知丙辰補給忠勇伯蔣信時祿回京

丁巳右僉都御史祝暹徃倒馬關守備

戊午禮部請瓦剌報使不許

己未免黎平土兵沅靖洞丁田租二年

庚申夜火星犯壘壁陣

辛酉初龍門所倉糧七萬一千六百餘石至不守至是路

通左侍郎劉璉乞都指揮楊信運入懷來永寧城從之仍命

宣府總兵官巡守開平馬營

壬戌昏刻月犯鬼宿金星犯天罡上星

甲子監生陳謨楊穉俱為禮科給事中

南京吏部尚書魏驥致仕閣臣陳循出驥之門欲留驥驥不

可遂曰陳君私朝家事其能終乎

江西道監察御史許達言陛下舉經筵舊典每月六之寒

暑例止一暴十寒安能有成也乞經筵外延儒臣便殿不論

寒暑講求經史以應當世無窮之變三北講和尚難深信

女直於宋奉還韋后及三梓宮不數年南侵今使輶徃來全

幣賞賜安知其不以此致我之空虛哉大同等處宜積糧儲

居庸等關宜屯重兵總戎任事之臣益簡閱士馬萬一彼背

好長驅我且有備而無錯愕失措之患上大是之

乙丑減四川中鹽例

丙寅禮科給事中金達為都給事中達先頒賞獨石值十至  
督兵拒守故進之賜十金二幣  
初禮部右侍郎李實北還言甘肅右叅將都督僉事毛忠通  
十命逮之兵部乞重論上以歷効宥之歸其家屬京師  
己巳免寶應縣災租

湖廣右叅將都督同知陳友守備靖州

庚午南京國子監祭酒陳敬宗致仕

十月未朔夜大星犯壘壁障

壬申吏部左侍郎曹義為南京吏部尚書禮部右侍郎儀銘

為南京禮部尚書翰林院侍講吳節為南京國子監祭酒

夜金木二星合

乙亥右副都御史王暹巡撫河南及襄陽

祠故翰林院侍講劉球於吉安曰忠節

減代州中鹽例

游擊將軍右都督楊俊脩各關隘從竣回京

雲南總兵官黔國公沐斌卒於鎮遠賜祭葬

戊寅進士潘榮為吏科給事中

錦衣衛指揮僉事呂貴捕盜京城內外

少保兵部尚書于謙言聞也先貢使逾三千人慮其窺伺宜  
出京兵五千騎列居庸關整俟從之

命內外贖罪免其運糧悉納鈔  
已卯科道劾會昌伯孫忠吏部尚書趙新家人私鹽命新致  
仕忠伏罪宥之

庚辰勅刑部右侍郎耿九疇巡治鹽法兼巡撫鳳陽淮安揚

廬滁徐和

恭順侯吳瑾領三千營忠勇伯蔣信領舊部

戶部左侍郎劉璉以保安永寧二衛保吳隆慶二州乞招延

民復業從之

辛巳仍許山西陝西浙江雲南四川畿內官分俸養親

光祿寺卿齊整請侍經筵不許

夜南京雷雨

乙酉翰林院檢討署國子監助教事李洪請故國子祭酒李  
時勉褒贈祭葬許之

山東左布政使萬觀卒觀字經訓南昌人進士授御史

著聲尋守徽州有善政脩堯祠芝生於棟廡山東左右布政

息蝗止訟民大德之

金星晝見夜月犯昴宿

丁亥定古北口中鹽例

戊子選補大漢將軍足千人

己丑旌韓府鎮國將軍範瓚孝行事生母周氏風疾判左股

愈之

禮科都給事中金達言臣嘗到邊長安嶺至獨石田禾豐茂

詢之皆總兵等官私產也夫邊將而役軍營私何哉乞擇文

武各一人統兵以往脩城繕烽不許營私河南山東畿內近

選民兵或一家二丁或至三四丁冬夏在官耕植無望乞春

夏回農秋冬團練上從之

庚寅山東右布政使裴綸言內官唐廣來鎮茲土供給累民

每一科十僉從詐冒生事侵漁請勅廷議凡非邊境所遣內

臣俱命回京上切責綸

故駙馬都尉井源弟淡乞恩授所鎮撫

錦衣衛校衛劉信結司禮太監金英官百戶專倚外事下獄

論死宥英

初宣府總兵官撫寧伯朱謙報上五千餘騎犯塞已即也先



貢使三千五百人也上切責之

辛卯萬全都指揮使董斌為軍都督僉事提督獨石馬營

等處邊城

禮科給事中張聰降均州判官河南道監察御史謝琚降吉

安推官宋璵降安福典史俱坐太監金英事被論

宥大辟百一十餘人戍邊

免北京逋租

總督湖廣軍務右都御史王來進兵天柱以及靖州銅鼓俱

下之遂移軍沅州

甲午七先貢馬駝四千四百頭銀景皮五百

乙未召還巡撫湖廣大理事卿蔡錫

丙申大理寺右少卿羅綺為刑部左侍郎刑部署郎中事周

瑄為右侍郎

夜大星青白光自文昌流軒轅

戊戌少保兵部尚書于謙請罪人悉戍宣大補伍仍措餉詰

紫荆倒馬各關守臣戍守之實從之

己亥禮部右侍郎李實為右都御史巡撫湖廣

錦衣衛帶俸指揮使馬顯為都指揮僉事

裁鳳陽監倉南京戶部主事

十月辛丑朔命吏部覈各官省親展祭養疾丁艱赴部違限者罪之

壬寅鎮守浙江兵部左侍郎孫原身勦溫處餘寇聞母喪命俟賊平終制

始命右僉都御史王竑總督漕運

夜大星如椀青白光自昴宿派參宿三小星隨之

癸卯命昌平侯楊洪以三千騎分守開平龍門懷來永寧諸城

甲辰陝西都指揮馬讓為都督僉事副總兵協守寧夏

連東都指揮使王祥加左軍都督僉事

處州賊平斬陶得二等二百四十餘人招撫三千六百餘人

太監金英下都察院獄錮之左都御史陳鑑等劾英縱舍人

私贖受賂如指揮韓志陞署都指揮僉事內使汝住陞長隨

奉御都指揮孫鍾陞都督總兵官校尉劉信陞百戶工部尚

書石璞錦衣衛指揮僉事呂貴俱受其賄宜籍英重論上

命銅英訊鍾璞志俱論死宥之

乙巳禮科都給事中金達言江西按察僉事夏時立均徭法

五年正役又五年雜役此法最善參政朱得構沮之乞復其  
法又富戶避重役附充遠場竈戶乞巡鹽御史勘革從之  
丙午瓦刺使臣昂克為都督同知哈只阿力者刺阿老丁俱  
為都督僉事

真定大長公主薨

丁未南京禮部主事章綸為禮部儀制郎中進士黃得溫為

吏部考功主事

發龍門衛倉賑宣府饑

戊申都指揮使楊能為游擊將軍與都督僉事石彪各領三

千騎練兵

禮科都給事中金達等言守令任滿當去輒令耆民保留乞

吏部從公斥陟仍都察院榜禁從之

己酉遠東左叅將都督僉事胡源為都督同知都指揮使宋

政為都督僉事

賑馬邑縣饑

辛亥上皇萬壽節禮部請令群臣朝廷安門不許

甲寅雲南署都指揮僉事沐璘為都督同知征南將軍總兵

官鎮守雲南署都指揮使胡詵為署都督僉事左叅將協守

乙卯台州知府周旭鑑加布政司右叅政旭鑑廉謹有善政盜不入境

大同右叅將都督僉事許貴為都督同知都指揮使周廣為後軍都督僉事右少監韋力轉為左少監

陝西右叅議趙忠刑科給事中祝瀾俱起復違限下刑部獄夜大星青白光燭地自平星流庫樓

丙辰夜月犯五諸侯星

丁巳定納糧冠帶例大同二百五十石山西四百石夜月犯鬼宿

己未千餘騎猝犯寧夏西門左叅將都督僉事丁信擊斬一人掠男婦二百五十餘馬牛千餘

辛酉昏刻金星犯壘壁障一四星

壬戌城遂溪縣

癸亥行人郎勝朱驥張紳知縣楊貢學正王驥教諭張維訓導談泰周哲李叔義監生張琛孔鑰戈立余泰為南京監察御史

夜月掩房宿

甲子署都督僉事石彪為都督僉事

夜大星赤光自井宿流游氣四小星隨之

丙寅河南同知呂達為知府

遷太原平陽各屬預備倉入城

提督獨石等處操守都督僉事董斌以獨石馬營雲州鵬鵠

赤城龍門李家莊馬安嶺官軍或暫寓懷來永寧或遣戍宣

府又或懼寇窺內地乞各還原城分守從之自是率兵度龍

門且戰且守一城復固

嚴從簡曰此所謂口外一城堡也失之於楊俊而復之於

董斌內而肅愍文莊之執議外而楊洪未謙之圖畫俱不

可誣也今一城為宣府北路雖稱孤懸而所以屏蔽鎮城

聲援京國者實重且大矣於乎由是而及開平而大寧固

不可深思乎善哉少保之言曰尺寸進退之機安危治亂

之所繫也

丁卯封成鍊代世子成鏐安王徽鈔韓王祁銀洛川王

戊辰免彰德去年田租七千一百餘石

右軍都督僉事陳友牧馬東安寧縣俱瘠弱下獄降都指揮

使協守倒馬關

己巳勅工部尚書石璞同內官武良往山西會各官議措餉

轉粟或擺堡或長運從其可者  
夜大星赤光自北極帝星深近濁

庚午瓦刺脫、不花王貢馬  
賑大同饑

十 二月辛未朔停四川明年戶口鹽鈔

壬申 科給事中程信等言昨長安左門外見一使在玉河  
橋左右奪馬有騎馬欲直入長安左門輦轂之下尚敢恣肆  
則狼心可見乞該部嚴諭及兵部并總兵等官練兵預備從  
之

甲戌令戶部都察院各遣官覈蘇松常鎮等伏賦

城良鄉縣尋已之

丙子荆王瞻峒欲朝 上皇書止之

丁丑彭山知縣黎顯為嘉定知州

免河間及河間瀋陽大同三衛去年早租四萬一千七百餘

石鈔四萬三千餘貫

戊寅 科給事中何陞監察御史柳春同左少監彭以得督

運京糧於宣府

四川叅將署都督僉事劉深為都督僉事都指揮使徐海為

右軍都督僉事

已卯騰驤右衛前千戶所軍餘劉潑見前陷侍駕回至

是以御衣白絹衫自陳賜鈔千貫

甲申瓦剌進馬三百二十九匹俱下馬各給紵絲一絹一折

絹一

命有司逮逃匠三萬四千八百餘人

乙酉夜月食

己丑巡按浙江監察御史黃英請罷水縣之鮑村瑞安縣之

羅洋增縣治巡司千戶所又宋高宗賜舒公孔玠衢州田五

頃奉廟祀洪武間王希達冒姓附籍因得罪沒入官乞復給

前田於孔氏又洪武初遣監生於各省丈量田造魚鱗圖郡

縣各存冊世遠無攷明年例造冊宜如洪武法事下戶部以

立縣丈田議行之

昏刻火星犯壘壁陣水木星同度

庚寅撒馬兒罕地面等入貢

壬辰工部右侍郎趙榮為左侍郎

總兵官武清侯石亨請選各營把總頭目每營置都督一又

簡驍銳加其餉每一萬為一營臣親督訓練從之

癸巳勅鎮守陝西左副都御史劉廣衡往延安運綏德粟二萬石於保德備偏頭關之餉  
丙申禮部請明年正旦群臣朝 上皇於延安門渡之  
丁酉徐州河淤勅右僉都御史王竑治之  
己亥給山西二萬金分貧民糴種

召商中鹽貴州

辛未景泰二年

正朔丑朔 上皇在內宮

壬寅郭嵩克宿衛舍人帶刀

吏科都給事中張讓等劾朝覲科欽命指其實於是劾高州

知府易觀梧州知府諸忠高唐知州唐泰吉水知縣劉晟

癸卯白虹貫日

丙午勅右僉都御史鄒來學提督脩守山海關至天壽山等  
關隘仍兼提督順天永平軍務

勅提督遼東軍務左都御史王翱鎮守太監宋文毅以脫  
不花王親捕野人女直先到原開城已令永平山海總兵官



選兵五千候於開原又京兵三千援之今都指揮石忠來連  
東伺可汗至遣與相見

勅右僉都御史祝暹提督鎮守真定保定

賑柳州饑

丁未貴州右副總兵都督田禮鎮守福建都督僉事范雄俱

昏賸召還

減大同中鹽例

禮科都給事中金達乞會試每經增同考官取士毋出二百

五十人外監察巡綽等官軍曾入塲及子弟應試俱令引避

又祀郊廟文職五品以上得陪祭其年深主事署郎中者未

預入上從之同考官如舊

庶戎上南郊

廣西署都指揮使范信都指揮同知孫麟為左右叅將協守

廣西

夜大星青白光自畢宿流奎

辛亥大計布政使宋興既存按察使王瑄柯暹叅政柳芳李

權叅議羅恪李素李源張維僉事王通知府姚本吳涯王曼

富敬郭瑾陳勛黃平俱免餘黜七百三十餘人

犯寧夏半個城都指揮僉事李王等不即追被劾

癸丑兵部右侍郎鄒幹右僉都御史陳詔清理軍務貼黃

甲寅命南畿山東河南捕蝗種

乙卯起復定州知州王約

瓦剌脫、不花王使臣忽瓦不花為都督同知李端兀馬兒

伯顏帖木兒俱為都督僉事

賑臨沘饑

丙辰大計拾遺罷免四百八十四人削籍十三人

詔畧商輸金百八十馬十五量授雜秩

賑平陽太原大同

貴州湖廣總兵官保定伯梁瑤擊苗賊於靖州大破之斬二

千七百餘級擒三百七十餘人越舟宿賊大至又擊斬千四

百餘級擒二百九人又破新添寨斬二百三十餘級擒二十

一人又擊回巢賊斬五十餘級擒十五人明日斬七十五級

擒三人

戊午南京山川壇井醴泉出

庚申起復鎮守真定右僉都御史陸矩

天鳴

辛酉詔山西入覲官以太原糧輸威遠衛山東入覲官以德

州糧輸大同

賑廣昌靈丘縣饑

寧夏左叅將都督僉事丁信失事降都指揮同知往延綏以

都指揮使熊震為左叅將

夜月犯心宿

甲子監察御史林廷舉戍邊衛以太監金英私鹽事露受賂

也

重建長陵神宮監

先火

浚鎮江常州運河

度僧三萬人

乙丑遺書脫

不花王曰與可汗和好非二世今宜各順天

心勿妄生事端傷好歲使可一二所遣止百十人此朕與可

汗之利也

丙寅命教官闕方許守令舉保儒士

許鳳陽麥莖抵去年租

起復荊州府同知陳禔勦賊

廣西猺賊陷化州

鎮守廣東都指揮同知姚麟往蕪雷高肇勦賊  
已巳初勞韓府襄陵王冲炆孝行

夜大星青白光自天柱流近濁

二月午朔鎮守延綏都督同知王禎為右都督協贊軍務右僉  
都御史馬恭為右副都御史

夜木星犯牛宿

辛未上幸太學釋奠先師

廣西流賊三百人餘陷封川縣殺指揮周智

南京翰林院侍講學士周叙請復午朝上大是之下禮部

求直言

巡撫四川右僉都御史李匡以奉詔諭播州苗乞給印從之

賑西安饑

南京總督軍務靖遠伯王驥言山川壇醴泉禮部欲賀不許

戶科給事中李侃言禮部奏會試不分南北士夫江北文樸

江南文蔚故洪熙初楊士奇議南人十之六北人十之四似

不可改刑部左侍郎羅綺亦以為言不允

乙亥南京刑部右侍郎鄭泰為左侍郎翰林院脩撰劉儼為

侍講行人程敏為貴州道監察御史監生姜約為吏部稽勳

司主事

官兵進貴州之興隆清平平越時韋同烈偽稱苗王糾三萬  
衆屯興隆衛之三截洞復攻平越清平各衛總督貴州湖廣  
軍務右都御史王來以總兵官保定伯梁瑄發沅州東路都  
督方瑛自西路會於興隆擊賊敗之賊退據香爐山

丁丑戶部右侍郎兼翰林院學士江淵脩撰林文主禮闈

吏部文選司主事李賢上政本十策勸聖學顧箴儆嗜慾  
絕玩好慎舉措崇節儉畏天變勉貴近振士風結民心上  
嘉納之詔付外給事中李侃言賢策謹宜鑒納詔取入錄置

左右禮部尚書楊寧曰吾讀崇節儉一事殆泪下也時宮中  
戲為金銀豈編脩楊守陳賦銀豈謠云願將銀豈三千斛活  
取枯骸百萬人

南京太僕寺少卿王榮為寺卿

慶遠知府楊禧秩滿加布政司右叅政

己卯免揚州河間災租萬六千餘石

起復禮部右侍郎儲懋

夜月犯鬼宿

辛巳都指揮同知汪泉指揮使汪瑛為中軍左右都督

壬午勅山東左叅政王聰按察僉事王琬濬沙灣運河

甲申南京雷雨擊損大報息寺塔少保兵部尚書于謙以災異引咎且請南京錄囚緩度僧工從之惟度僧如故

通事指揮季鐸先下獄至是降延平衛副千戶

乙酉南京右都御史陳勉大理寺右寺丞薛瑄致仕

丙戌署都督僉事李榮為甘州叅將

募湖廣四川雲南郡縣吏及軍民能致米百石者湖廣運鎮

遠四川運播州雲南運普安各納冠帶

也先遣使貢馬

戊子命兩京錄囚

夜土星犯太微垣上相星

庚寅勅戒南京文武百官

夜土星退入太微垣左掖門

辛卯勅刑部左侍郎羅綺往雲南四川督運軍儲

欽天監正皇甫仲和以星變乞脩省從之命府部院議寬恤

條例

起復廣東右布政戴弁

壬辰琉球國入貢

癸巳夏總兵官都督同知張恭都指揮使熊震以二千人  
至板井值十數十騎不敢擊縱掠而去

翰林院編修呂原為侍講

命畿內山東撫鎮都御史擇有司專勸農務

賑廣平大名饑

乙未出五千金給宣府大同屯卒具牛種

增廣西布政司官二員同按察司官整理邊務

瘞都門暴骸

丁酉宣府總兵官撫寧伯朱謙卒謙夏邑人永樂初襲留守

左衛指揮僉事累征逆北有功進萬全都指揮使克右叅將

鎮守萬全累功歷後府左都督奉勅充總兵鎮守宣府上

皇北狩率子承出謁犒軍勞景泰初捕龍門關中律封

伯祿千一百二十石在邊久勇而寡謀追封撫寧侯賜祭葬

戶部議寬恤七事其言在京象馬牛房例河南山東畿內供

給今京省兵饑乞歲四月放馬草場至九月支料上不聽

餘如議

戊戌復盧彰宣化知縣食正六品俸

三月子朔策貢士吳滙等二百人於奉天門賜柯潛劉昇王俱

三 等進士及第出身有差

辛丑軍府左叅將右都督紀廣為鎮朔將軍副總兵都指揮使楊能為都督僉事左叅將鎮守宣府

許浙江鎮守兵部左侍郎孫原貞守制

壬寅前桂林知府衡岳平岳西平人洪武末由監生任潮州

同知秩滿遷守西安十年言事忤旨成交趾 仁宗初起南

城令歷南豐遷桂林歷官三十餘年貧不自存年八十四

何喬新曰廉吏之不聞於世久矣碩鼠之刺城烏之譏在

古且然况後世乎世所謂貪者固不足道其矯而為廉者

垢衣敝履以欺人而後房姬媵極珠翠之麗亦豈真廉者

哉若公者乃真廉吏也

癸卯免五臺縣去年農桑絲絹

乙巳禮部以瓦剌請報使當姑徇其意 上不許

丙午太僕寺卿吳敬致仕

增河南巡河按察僉事

科給事中林聰等劾外戚左都督汪泉縱蒼頭占武清田

六千餘頃擅權商貨 上不問聰等固請下蒼頭錦衣獄

已酉太子太保戶部尚書金濂請答 使石且生變其何斬



一介行李踐，廷稍慰其望不聽。  
壬子封季堞崇陽王、奠墀瑞昌王、奠壘樂安王、奠堵石城王、  
奠塹弋陽王。  
瓦刺使回勒也先曰：蘇克帖木兒等至，具悉和好。所欲遣使，  
朕再四思之，前細人取怨於太師，今懲前弊，不復遣所索。把  
哈李羅侯貴州回付之。我國人在太師處，亦宜遣還。副其父  
母妻子之望。

癸丑廣州人奏故巡撫右僉都御史楊信民公平不威興利  
除害有甚饑渴，効貪見噬，被逮京師。軍民猴獠詣留，萬計朝

命還鎮，除捕逆賊脅徒，避庶昆喙，來歸烏董。乍中人民禱策

狂走沒而巷哭，過則弔奠，今已易期，哀慕不已。請立祠從之。

乙卯進士吳滙、周興、戚瀾、張永、呂晟、王獻、劉瑄、俞欽、相傑、楊

守、陳童、緣、張業、樊冕、林孔、滋、張瑄、金文、鍾文、清、田斌、章、表、楊

景、彭、言、劉、泰、江、朝、宗、周、清、俱、選、翰、林、院、庶、吉、士。

刑部右侍郎薛希璉為尚書。

南京左通政畢昌免。

蠲順天保定歲辦蘆葦葛稻等物。

丙辰免濟南去年小麥絲綿。

丁巳浙江都轉運鹽使吳方大貪敗削籍累瀆辦戎邊  
夜大星青白光燭地自軫宿流天廟二小星隨之

戊午雲南按察副使鄭顯參贊都督同知沐璘軍務

辛酉起復山東按察副使王亮改山西

癸亥盜發梁王妃墓命遷塋

下第貢士及監生願就教者試而授之

甲子召左都御史沈同及右僉都御史任寧還京

河南左布政使年富為左副都御史參謀大同軍事

談遷曰沈仲威佐大同林貨極敗邊固以壯而郭定襄劾

收糧奸肆請改任年大有惟懼重臣輩辭易置提於友堂

不賣轉圓當時邊將之取信如此太宰不為奪臺省不敢

沮委重聞外真腹心干城之寄也仲威雖長才綜覈疎寬

大有繼之痛革裁罷冒功盜儲一無所容群小多怨政寬

則民慢政猛則民殘子產之言信矣

夜大星赤光自井宿流雲中

四巳朔免肅州衛屯租

辛未巡按直隸監察御史鄭韶劾鎮守懷來內官陳海以鉄

劔易夷馬命械海至京訊之

禁各鎮守軍職受訟

甲戌右副都御史軒輅總督南京糧儲兵部左侍郎孫原貞

鎮守浙江

丙子左都御史陳鎰鎮守陝西召左副都御史劉濟

時陝西饑廣衡失眠

丁丑起復處州知府石瑁

己卯訓導齊詔為河南道監察御史

奉御單增下錦衣獄增特寵居從擬於王公朝士或拂其意

輒畧辱之占田奪稅科道交劾

夜月色如赭

庚辰免武岡州新寧縣荒租

西北黑氣如烟庫地而生

辛巳兵科都給事中葉盛等言勲戚侵利多占官店塌房乞

勘實按季收鈔以資軍餉從之

壬午監察御史韓雍兵部署郎中項忠俱為廣東按察副使

始權江西湖口湖廣金沙洲紅鈔

再賑大同饑

癸未定易州授紫荊關真定保定援倒馬關居庸關白羊口

京師援天壽山黃花鎮又都指揮以三千騎總備游擊將軍  
石彪則援鴈門關俱從兵部分署  
司禮監內使高顯強奪人室下獄錮之  
夜月犯心宿

乙酉貴州賊韋同烈平賊退據香爐山山在平越清平間險甚  
於是右都督方瑛出龍場都督陳文出萬潮山都督毛福壽  
出重安江右都御史王來保定伯梁珪繼進斬三千四百八  
十級擒五百餘人下二百餘寨環兵攻香爐山賊懼縛同烈  
降械同烈入京

郭子章曰予讀王慈谿公平蠻恩信紀謂可石泐恩信不  
可泯詞亦嚴矣乃德靖間復狡馬蜂起屠城殺官仍火爐  
山慘毒尤酷所謂恩信安在夷性險譎當事者防其漸可  
也

丁亥右僉都御史任寧降廣西按察副使

夜月犯木星

己丑廣西蠻攻賓州勅廣東左副總兵右都督董興等援之  
庚寅蠲武昌歲辦杉木皮藥等物

壬辰襄王瞻墀乞御註洪範大全等書予之古琴關

甲午，百餘騎犯馬營，焚東門，命游擊將軍石彪雷通各兵三千馳勦。

監生宿繼學為吏部主事。

乙未，武清侯石亨為總兵官，都督孫鏜、范廣為左右副總兵，過興張義為左右叅將，選京兵六萬團操。

工部尚書石璞總督宣府軍務。

丁酉，封晉載靈、丘王仕、隼、西河王。

勅都督僉事孫安以兵二千駐龍門，與都督董斌分哨。

五朔，戎朔，建州右衛都指揮僉事佟火你為都指揮使，時李滿

住等避厄剌遠遁，獨佟火你等入貢。

己亥，夜大星青白光自天津流至濁。

庚子，建安知縣胡欽為延平知府。

太白晝見。

辛丑，賑解州饑。

癸卯，澤州貢士侯爵言父璉功，命爵世錦衣衛正千戶。

也先求婚於赤斤蒙古衛，都督阿速阿速以聞，命嚴邊備，仍

赤斤

乙巳，脩固原州廢城，調西安等衛兵戍之。

丙午大星青白光燭地自軒轅涿游氣五小星隨之

丁未太子太保吏部尚書王直等言北上又乞遣使人情求不得則慚再不得則憤而爭令上請再矣其若之何上曰正統間使通上幾危宗社朕方思絕上卿等第謀所以富強雪耻稱朕意焉

瓦剌脫上不花王歸我前使海西高能等七人厚賞其使

庚戌立上林苑監於玉河橋西

辛亥上令歲各巡撫官赴京議事

太子太保戶部尚書金濂言上請遣使拒之且生舉昔漢高

帝以三十萬衆困於平城可鑒上曰使毋往朕志定矣平

城事非所宜言

金星晝見

壬子行人同右司副陳鉞為吏部稽勲郎中

金星辰巳午刻凡三見

癸丑左都督汪泉占田萬六千三百三十餘頃俱給主

太子太保禮部尚書胡濙言續出瓦剌番文一道詳其語意

專在求使臣謂上情雖請未保其終然始則奉送上皇今

又還我制使使人絡繹馳馬迭貢歸誠悔過亦不可誣夫厚

往薄來柔遠常經彼使再來此不一報似非其義往年土木  
之事雖臣子痛心切齒皇上卧薪嘗膽之日然邊無儲蓄  
之素野有奔亡之憂將帥趨生士卒忘死邇者邊報稍急曾  
無一人敢言戰伐甚至張皇失措安邦大計諒不如是伏望  
皇上深維曲慮量遣往和乃勅武臣脩治軍實庶彼無可  
執之詞我有預為之計  
上曰卿言良是朕志定矣

增宣府驍兵月餉

甲寅昌平侯楊洪為鎮朔大將軍總兵官從子都督僉事能  
為都督同知左叅將俱鎮守宣府都指揮使信為都督僉事

右叅將提督懷來永寧等處守備

戊午昌平侯楊洪製連環萬弩牌

己未命山西布按二司各遣官遞赴宣大收糧

庚申賜脫不花王書曰朕自祖宗以來四裔來朝並加

恩持殊不遣使至彼以此和好久保全比歲可汗太師累  
使朝貢朝廷嘉厥款誠頻使還答小人言語短長傷和好兩  
國人民咸罹災害此亦朕與可汗所共知也以天之靈要約  
如故朕與可汗可以思所以保終之使至業厚宴勞所賜可  
汗若可汗妃有金銀及金銀器皿織金蟒服文綺等物即付

領去自今但可汗使來朕終始善視決不食言  
談邊回瓦刺受款請使彌堅諸大臣咸欲許之  
景帝力  
絕馬不情至點我備未脩稍休於盈庭之議則季鐸輩又  
割挈馬兔而北走矣賴  
帝確持不因變沮真英主哉自  
是之後漠北無皇華之跡朔南僅象胥之通於此益明漢  
大矣

壬戌守備倒馬關署都督僉事劉聚賄縱軍士被訊遽詣闕  
自理下獄又南征貪懦青從楊洪自効  
癸亥命各布政司畿郡造軍器輸京師

鎮守臨清右副都御史孫日良還京致仕

鎮守福建太監廖秀貪暴杖傷侯官知縣單宇巡按御史許  
士達劾之械入京下獄釋之

甲子中軍右都督楊俊改前府

署都督僉事李信協同都督張真鎮守浙江

巡撫直隸工部尚書周忱被劾召還

丁卯定雷冢站中鹽例

停南京各衙去年屯租

六月辰朔日常食不食



戶部右侍郎兼翰林院學士江淵言建州朶顏野人女直海  
西等衛皆我逆東藩籬赤斤蒙古沙州等衛則逆西藩籬宜  
遣使厚賞金帛俾去逆效順則也先疑忌自不窺邊京衛餘  
丁盡括差操無一人以濟家業可乎宜行釋放王振誅後傾  
詐之徒陷人輒指為振黨致累亡辜乞勅法司大赦後訐黨  
者不問軍上悉從之已兵部言新選舍人止千七百九十餘  
人仍畱訓練上復是之

勅巡撫山東河南右副都御史洪英右副都御史王暹脩治  
臨清徐州決隄通漕

安南八貢

免武岡州課鈔

命內官監作偏廂車千輛

夜金星犯昴宿

己巳左都御史沈同致仕

應天府尹李敏為戶部右侍郎巡撫江南代周忱勅其悅法  
果便於官民毋輕易但痛革作奸者愧有心計筦利權二十  
二年因事補救嘗上計道微膠着干請液內府敗革俟新輸  
之正統末責明光鐘甲甚急忱浮以錫立辦其機應類此愧

去後吳中歲潦饑民垂死猶曰安得周使君生我乎初悅所  
積餘米一切供辦資為故官裕而民不擾至戶部籍羨為額  
由是徵需雜出民不堪命  
大同右叅將都督同知許貴奏右少監韋力轉銜軍妻不與  
痛杖其軍死又私養子妻射死養子又蒼頭數人冒功得指  
揮千百戶鎮撫命按之

庚午吏部郎中李賢言火鎗戰車備邊莫善於此兵部覆其  
便從之

辛未浙江布政司副理問劉鏞為台州知府

代州故交趾布政使戈謙薦前成山侯王通龍門衛致仕指  
揮甯懋真定同知阮遷干知兵慣戰上不聽通仍鎮守山

陵甯懋阮遷干合從石亨圍管

壬申召商中鹽大同右衛

免肅州衛去年屯糧

癸酉昏刻南京天鳴

乙亥給貴州衛所襲職道餉

中書舍人江陰徐願父事王振得官恣橫至是下獄削籍

先是遣戶部主事黃琛監察御史李鑑追徵巡撫周忱侵糧

數十萬忱還京言臣初至官詢吳中積逋之由知大戶不肯  
納賦而小民獨受加耗之弊為之均勻襯貼蘆蓆稻草之費  
悉令自納積米漸多蘆蓆稻草並易錢入官以足上供軍需  
百凡脩治興作見為妄費亦由宣宗皇帝許臣便宜行事  
臣之所費者餘米也不敢侵正賦事遂不問  
仍戍廣東兵二千五百人於廣西

青州故齊王廢邸災

戊寅山東布政司右叅議馬諒為應天府尹  
己卯起復鳳翔通判葛文名為西安知府

詔貴州各衛脩舉屯田

庚辰免陝西夏稅屯糧十分之三

辛巳召提督宣府軍務工部尚書石璞還京令巡撫左侍郎  
劉璉叅替軍務

甲申遣工部右侍郎張敏左通政欒暉侍講學士劉鉉分祭  
東岳濟瀆金龍口黃河之神

兵科都給事中葉盛言弭災防患一事曰戶部於畿內山西  
徵役遵詔停止減省冗費曰分守邊關量賞銀布曰京衛軍  
匠於監局造軍器戰車外餘送操練曰法司議條例分行南

京各省清獄曰京南捕盜曰乞旌陣亡浙江都指揮脫綱樓  
察僉事王晟等仍徧訪死節贈卹曰調官如寺丞羅綺知州  
傅林等查例復官曰酌減脅從之盜或遠配或戍邊庶不枉  
濫上以賞軍金帛有限監局工作人少餘悉從之

戊子詔安南以上皇還京

辛卯夜月犯昴宿

壬辰夜大星赤光燭地自天厨流文昌

丙申趣總兵官都督僉事徐恭及右僉都御史王竑亟漕

夜大小派星凡八十有五

七月朔彭城伯張瑾縱蒼頭於河南西平等衛立庄田詔宥

瑾戍蒼頭邊衛

戊戌科左給事中喬毅行人童守宏諭祭琉球國王尚

思達封其叔尚金福為王

賑宣府及蔚州饑

有大星青白光派文餘

己亥蠲湖廣永明淑浦縣稅鈔桑絹

榜浙江福建遺賊限三月入官自首免

徵畿內河南山東山西陝西歸田民兵九月赴京聽練

庚子祭故浙江署都指揮僉事脫綱  
祭如授于冕府軍前衛副千戶以武清侯石亨薦之詔召見  
尚書于謙言臣子宜嫌避不聽

丙午禁僧道外游

昏刻月犯心宿中星

丁未翰林院孔目馬昇加檢討

戊申時邊儲不足許納粟補官禮科都給事中金達等言名  
器國之重事不可不惜上以推計容餉裕罷之

貴州普定永寧畢節等衛苗復叛掠劫總兵官梁瑄副總兵

方瑛會討時貴州大饑

左軍都督僉事過興為都督同知

辛亥蠲高郵儀真去年災租

壬子遣監察御史并戶部官分覈遼東永平陝西山西軍儲

癸丑夜京師地震

甲寅彭城伯張瑾使江西道南京私敗下獄奪歲俸

己未章丘知縣田疇調萊陽食正六品俸

命陝西按察司每冬遣司官二人協守平涼慶陽二衛

京師妖僧趙才興等伏誅

庚申濬永嘉縣河

右副都御史王暹言洪武二十四年黃河改流開封北轉自  
鳳陽入淮曰大黃河支流分出徐州以南曰小黃河正統十  
三年河復故道自黑陽山趨沙灣入海止存小黃河而徐州  
岸高旋濬旋塞今請黑陽山東南徐州河臣同河南三司治  
之其臨清以南歸右副都御史洪英同山東三司報可

夜大星青白光燭地自天紀流貫索

壬戌上百十騎犯山海關官軍擊卻之

癸亥蠲大同夏稅十之七

禮部儀制郎中章綸上太平十六策躬攬乾綱緝興聖學而

議大政為政得人肅正朝綱廣開言路敬畏天戒精慎選舉

嚴明考覈守備邊境征討不庭禁止罪犯官吏養廉作成人

才端本夙化錯運救荒 上是之

甲子減江元江寧句容田租之半

戶部右侍郎兼翰林院學士江淵薦大理寺丞薛瑄禮部右

侍郎王一寧命一寧侍經筵瑄仍任

乙丑西安旱鳳陽淮安水俱損稼

吏部左侍郎何文淵為尚書右侍郎俞山為左侍郎兵部右

侍郎俞綱為左侍郎

丙寅朔賑如皋縣越雋衛饑

丁卯開封濟南東昌興州左屯廣寧鉄嶺三萬諸衛各大水

己巳禁私鹽

賜緬甸軍民宣慰使陰文金牌信符

辛未朱永嗣撫寧伯朱謙子

歲祭唐南霽雲於貴州貴州按察使王憲言之

壬申廣東布政使揭稽為戶部左侍郎巡撫廣東

南京地震夜大星青白光自天津流織女

甲戌雲南布政司右叅議甘敬貴表入京言滇人盜礦非臣

所轄宜增按察僉事提督裁臣他用 上以玩盜下獄贖還

職

乙亥監察御史姚福盜餉削籍

丙子進士劉洙唐瑜張海潘本愚章軒徐安行嚴誠鄭林劉

彝項倬黃暉楊學姚旭羅晟江毗劉觀為給事中

免太平府田租之半陝西夏稅十之四湖廣屯租十八萬八

千四百七十石

戊寅故司禮太監吳誠妾姚氏以誠沒土木乞招魂葬香山

從之賜祭  
庚辰蔚州妖人吳伯通伏誅

辛巳復午朝

禁曠東浙江福建人私藏兵械

壬午總督貴州湖廣軍務右都御史王來燕巡撫貴州

工部尚書周忱致仕

夜大星二俱赤光燭地一自紫微西藩派陰德三小星隨之

一自天津涿河南散小星隨之尾聲如雷

甲申禮戶科都給事中金達馬顯為長蘆河東都轉運鹽使

遠庶人貴燮訴子女之困獻詩悽惋詔賜其子女金幣羊豕

自選配

乙酉巡撫四川  
僉都御史李匡黎贊雲南軍務左少卿鄭

顯各督運赴貴州

監察御史陳全楊肯印馬南北太僕寺馬驛駒四萬餘匹故

事遺勳戚至是真定教授鄭真言其弊改御史

丙戌各閔命戶口食鹽踰期三月不起場領者住支

申私藏天文星象之禁吏科給事中毛玉以趙才與吳伯通

輩不軌也



戊子曉刻老人星見

庚寅夜月犯鬼宿

壬辰翰林院侍講陳文為雲南右布政使工部尚書兼翰林院學士高穀薦文學行

談遷曰高文義為陳侍講學行才識使擢居京堂或簿臬

正員必能盡心所事憶今詞臣出外輒動春明之歎間值

一年例委之讒構而先朝以薦刻得之時事何啻霄徑哉

命都察院禁勲戚收用闈人及自宮者罪之

癸巳錦衣衛指揮使劉源致仕源九江人居官勤慎

刑部員外郎陳金言律例未便三事曰婦人真犯徒流笞杖

罪概的決似未則廉耻道喪宜依男子例減半贖之曰軍民

私債例不追索則貧民無控宜聽其理取曰軍官敢倫傷化

者革職不繫今奸徒多誣告宜依繼母并義父母告子孫例

集隣右勘實從之

雲南總兵官沐璘奏緬甸宣慰使卜刺浪擒思機發思卜發

不即獻置卜發於孟養蓋緬人以奇貨邀我乞少需之當自

獻從之

己未鎮守居庸關右僉都御史蕭啟乞奔父喪不允

九朔申朔戶部尚書兼翰林院學士陳循言近日閣臣班列失

次詔常朝內閣錦衣衛左右侍經筵日位尚書都御史工午

朝翰林院先奉事

召商中鹽大同威遠衛及偏頭關

辦事吏何承海請復陝西寧遠縣鉄礦下獄釋之

戊戌免鎮江去年災租三萬一千餘石

前軍右都督張軌驕淫不法嘗私闖二僮被劾下獄釋之

遣內官李琮駙馬都尉焦敬徵廣通王徽煤以巡撫湖廣右

都御史李賈狀王不軌造印占居于戶所也

壬寅曉刻金星入太微星右掖門夜月犯南斗杓

癸卯逮貴州協贊軍務按察副使李睿以所部指揮女為妾

索土官馬被劾

甲辰減濟寧徐州管河主事三之一

木星晝見夜月犯木星於斗宿

乙巳右僉都御史陳詔卒詔青田人宣德五年進士授御史

遷四川按察副使以僉都御史綏關能弭盜諭祭賻鈔幣

丙午房山諸生傅寧先攜來歸獻馬求入國子監從之

戊申巡撫廣東戶部左侍郎揭稽改兵部仍巡撫支從二品

俸  
免揚州去年欠租十二萬四千六十餘石

前刑部左侍郎丁鑑卒鑑字永時南陵人正書永樂中授行

在戶部主事歷吏禮部從非征洪熙初進員外郎憂去起戶

部正統初進浙江鹽運使舉卓異秩滿進河南右布政景泰

初進刑侍劾罷賜祭葬

昌平侯楊洪卒洪六合人祖政漢中百戶洪嗣官調開平累

功都指揮正統初以都督守獨石敗宣府大石門賓昌州

捕阿台打刺花斬首功二百戊辰封伯祿千石充總兵鎮

宣府已巳坐駕陷繫獄出之擊都門涿州紫荆遂至固安

大搜捕阿歸等四十一人斬首四百八十邀還俘掠萬人

計馬牛弓刀數萬進侯賜世券久鎮宣府號令嚴肅善夜劫

營下懾之頗好文立宣府儒學追封潁國公謚武襄賜祭

袁泰曰己巳之變內有子謙善謀石亨善戰外有楊洪郭

登善守是以京師危急而九服宴然良由大同宣府為之

杆蔽也也先雖善戰忠宣大之議其後將有腹背受敵之

患是以雖長驅深入而不能持久狼顧而去卒以無狀而

使洪登淺謀輕出失利宣大不守禍延京師土崩之勢孰

能禦之兵法曰攻者不足守者有餘是故將莫<sup>善</sup>乎持重而  
師必出將萬全反是鮮不敗矣

壬子廣東道監察御史余儼為右僉都御史清黃

免大司今年田租

前巡撫湖廣大理寺卿蔡錫被徵不即至下獄

夜月犯昴宿

乙卯吏科給事中毛玉請令群臣終喪敦廉耻消奔競從之

戊午府軍前衛都指揮僉事孫繼宗私收關者戍關者廣西

宥繼宗

己未免石城平陽縣災租

庚申曉刻金火土星會軫宿

壬戌免宜興災田秋糧之半

十月外清河知縣張璠言前知縣李信去招撫流亡課農清屯

遷知蘄州邑人奏留遂以知州署縣遷守處州卒邑人立祠

求歲祀以還制毀其祠

己巳免彰德懷慶去年旱租懷慶五之彰德六之

辛未兵部右侍郎項文曜調吏部吏部文選郎中李賢為兵

部右侍郎

都督僉事石彪為游擊將軍巡宣府懷來龍門赤城

紹興教授孫曰讓被薦除禮部主客主事

罷御史給事中錦衣衛巡視京城諸寺專僧錄司約束

夜大星青白光自軒轅派太微東垣

壬申減南北巡河御史四之二罷淮揚捕盜御史

乙亥初巡按江西監察御史周鑑裁閣臣陳循之墓訟循摘

鑑諸不法多虛命御史王豪廉之多虛遂劾循誣罔循復踪

豪黨護下法司

丙子苗賊掠武岡靖州及通道等縣命總督右都御史王來

總兵官保定伯梁瑄討之

太醫院醫士張鐸言京高稅重如紵絲一至三百五十貫布

一亦三百五十貫他物皆然上是之下戶部更定價稅紵

絲每匹毋過七十五貫他物稱是

戊寅吏科左給事中程信上三事敬天謹災劾諫上是之

命京省不得輕遣推官朕聽訟

復南京兵部車駕主事

庚辰曉刻朔犯昴宿

癸未夜月犯東井

甲申中書舍人何觀言吏部尚書王直禮部尚書胡濙等宿  
獨宜斥又請安置使於南陲以絕往來語多誕妄科道交  
劾下錦衣獄請湖廣九溪衛經歷觀晉江人

吏科都給事中毛玉奏言觀誣陷大臣擅開邊釁宜罪觀  
兵科都給事中葉盛請更所草玉曰上怒甚不可更盛堅為  
請且曰王振馬順小人也劉球之死天下尚為口實况吾儕

乎因取筆探其首尾數語玉竟不更奏入下觀錦衣獄  
乙酉建州等衛女直都督李滿住董山等自正統己巳竊掠  
左都御史王翱遣指揮王武經歷佟成招之至是稍歸俘掠

身入貢謝罪

命罪人輸粟赤城等邊堡

夜大星二一赤光自胃流天園一青白光自華蓋涿天鉤

丙戌尾刺使臣皮兒馬里麻等千六百五十三人來朝貢馬

三千三百六十二匹

命各學教官諸生俸廩俱全支

己丑免濟南去年夏稅

昏刻大星青白光自土司空西行

庚寅監生郭祐上言太工蒙塵門庭有寇謀國大臣欲紓

急難令民納粟者賜冠帶令軍旅稍尋行之如故農工商販  
不分賢愚惟財是授使之驕稱親戚欺誑鄉里又有賍汚之  
吏罷退為民欲掩鄉閭之耻納粟納草冠帶而歸何前日以  
財去職今日以財得官堂下天下藏富於民未有不得已之  
時而有此輕名爵濫章服之意是以空乏示敵益啟寇心願  
裁止自今下大臣議寢不行

辛卯湖廣麻陽教諭章泰言三事曰願陛下孝孝百行之  
本也曩上皇北狩陛下仰承母后俛詢群臣以登大  
位臣竊以天意人心與祖宗所以責望陛下者誠愈重

而愈難視昔從容繼統故自不同願陛下師文王之敬止  
朝問定省以承大內兩宮之心曰願陛下弟詩云凡今

之人莫如兄弟惟宣宗皇帝篤生胤嗣惟上皇與陛下  
下陛下蒞下莊藩之初上皇留止京師豈不以手足情親不

違遠冀得時晤日見今鑿輅復還二聖重權臣願陛下  
體昔上皇友愛之心師古帝王因心之仁以久道尊事

上皇用子道教育儲聖百凡恩禮無替有隆曰願陛下  
發威斷義理所安信之不疑行之必毅中外曉然明知意嚮

依馮城社者不敢肆昔日陰竊之奸啗餌權勢者不敢萌昔

日羅附之說則彼無厭醜。自凜然有虎豹在山之懼用以  
克戡大慙且無難者。下大臣議謂：今土已行不必請聽  
析沙縣之浮流。立永安縣設沙縣永安。在溪龍巖四千戶所  
召巡撫淮揚刑部右侍郎耿九疇還京。右僉都御史王竑總  
督漕運。兼巡撫淮揚。廬徐和  
宣府副總兵右都督紀廣為鎮朔將軍。總兵官鎮守宣府  
塞野狐嶺。另置閘新開口。列臺通。使從戶部右侍郎劉璉  
之言

十一月丙申曉刻火星犯氐宿

己亥昏刻月犯牛宿

壬寅召游擊將軍都督僉事石彪旋師

豐城侯李賢卒。賢嗣爵。正統丁巳鎮大同。庚申守備南京多

廢事不能馭下

癸卯鎮守福建刑部尚書薛希璉乞同右監丞戴細保考察

各官吏部謂同內臣非制。其如舊

鎮守密雲內官張溥都指揮同知趙政等燒荒燎及闕城人

畜軍器民居勅責之

乙巳工皇萬壽節禮部請群臣朝廷安門不許頭劄同席



談遷曰自熈太上南轅雖饗帝子民之未及而詎陰同氣  
佳辰令節景帝能時厓候輦啣杯接席俾故舊大臣親  
天顏而慰寂景即堯舜不啻也南宮之錮日惟塔苔庭月  
之吳罔非角弓之怨何懟而至此其後貶削尊號或恒情  
之必然矣

丙午四川筠連高珙以茶先改鈔至是巡撫左僉都御史李  
匡從民便仍徵茶并及烏蒙軍民府

召鎮守山西左副都御史羅通提督三千營訓練命鎮守鴈  
門關右副都御史朱鑑兼領山西

大同右衛千戶石鐸改京衛石亨從子

成申提督軍務左副都御史年富兼督大同屯田

夜月犯昴宿

己酉夜大星赤光自五帝內座流太微東垣一小星隨之

庚戌定嘉湖田畝稅糧二斗絲綿三兩餘視其腴瘠增減時

丈田禁分戶

停明年市茶四川

壬子訛傳明年度僧道於是僧道赴京者數萬人兵科給事

鄭林乞盡逐還從之

夜月犯鬼宿

乙卯城免連東諸衛屯租有差

丁巳寧遠伯任禮守備南京兼領中府事

免寧夏中護衛去年屯租

初四川董卜韓胡宣慰司都指揮同知克羅俄監聚欲自銅

門山直抵保縣威州入貢鎮守左副都御史寇深不從因訐

深淫縱命按之

逮後輝都督僉事王斌以守備延安侵餉等罪

壬戌內官李琛下獄琛微廣通王徽燂道橫賂駙馬都尉

焦敬奏之琛亦訐敬受賂命宥琛并敬不問

癸亥夜火星犯鈞鈴星

二月丙寅免甘州等六衛屯租

廢廣通王徽燂陽宗王徽燂為庶人初舍人段友洪數以枝

榘進徽燂言致仕後軍都事于利賓善相徽燂見之稱當主

下利今歲大悅之遂造轟王金寶靈武欽武封都徽寨苗楊

文伯靈武侯天柱寨苗金龍欽武侯俱銀印改元玄元作勅

書分勅友洪及蒙能陳添仔等請印金幣誘苗起事又賜橫

嶺峒苗吳莫頭等銀牌約攻武岡文伯等不敢受友洪等為

鎮南王徽燦所執巡撫李賓既出之徵徽燦而湖廣總兵官  
梁瑒言陽宗王徽燦與通謀亦徵入方被徵時峒苗至為官  
軍所擊敗廷訊並削封幽高墻  
丁卯大理寺丞王恂為右春坊右庶子署國子監司業事  
己巳夜大星赤光燭地自近濁涿五諸侯  
庚午戶部郎中李秉為右僉都御史叅贊宣府軍務兼總督  
糧儲召劉璉還  
勅鎮守松潘左侍郎羅綺以舊威州保縣通道內官陳涓已  
奏其不可或有他徑爾其計之

辛未禮部右侍郎儲懋為南京戶部尚書南京工部右侍郎

王永壽為南京工部尚書南京副都御史張純為南京右

都御史大理寺右寺丞薛瑄為南京大理寺卿調禮部尚書

楊學刑部右侍郎姚夔於南京刑禮部

壬申免西安等屯租十四萬三千五百六十餘石

禮部乞通使瓦剌不許

甲戌夜大星青白光燭地自天狗涿至濁三小星隨之

乙亥免尤溪沙縣逋租

貴州布政司左叅政胡拱辰以四川人輸布貴州折各衛官

軍俸糧道費乞明年徵銀從之

丙子禮部以瓦剌貢馬分三則給絹段使臣察占謂其薄不

受入其曰不足校即下下馬悉視下馬賞之

少保兵部尚書于謙辭總督軍務不允令羅通協贊提督

戎寅免江浦六合去年田租十之四減貴州歲造軍器之半

夜月犯井宿

辛巳治屠庸閩南壯餉道

壬午南京戶部尚書儲懋卒懋字世績丹陽人其訓導擢

吏科給事中正統初直經筵壯其語貌改翰林降撰實錄成

進侍講尋拜戶部左侍郎主餉福建諭有司緩征勸閩右輸

助給軍糧泰初調禮部母喪奪情長南京戶部遽卒賜祭塋

甲申左副都御史寇深回院

都督同知陶瑾為右都督署都督僉事李信為都督同知

乙酉禮部右侍郎王一寧為左侍郎翰林院編脩薩琦為禮

部右侍郎

提督獨石等處都督孫安為都督同知

丙戌南京戶部左侍郎張鳳為尚書廣東按察副使韓雍為

右僉都御史巡撫浙西

瓦刺使臣右都督波兒馬黑麻為左都督都督僉事察占哈  
只阿力俱為都督同知恭為總兵官徐亨為副總兵官  
召還鎮守陝西興安侯徐亨為副總兵官  
兵部議選官軍十萬分五營團操每隊五十人兩隊置領隊  
官十人把總官三五千人置把總都指揮持弓馬知我火  
器一發不即聚即馳突合陣外列鹿角待敵先火藥爆伏詐  
之謂藥盡來攻則火銃砲飛槍火箭弓矢俱發又大將軍繼  
之待敵勢動騎則長槍刀弩步則圓牌短刀此練武之略也  
上從之

丁亥應城伯孫傑卒

戎子故浙江都指揮同知王瑛都指揮僉事沈麟崔源按察

司副使陶成僉事王晟布政司右叅議耿定各贈一級廕叙

有差

募育中鹽運東鉄嶺衛納粟

庚寅禮部左侍郎王一寧國子監祭酒蕭鎡俱兼翰林學士

直文淵閣

兵部右侍郎鄒幹調禮部兵部右侍郎李賢兼清理軍職貼  
黃叅贊宣府軍務右僉都御史李秉兼督屯種初宣府被掠

牛盡命官市牛萬五千隻給軍民又人給六鑲市穀種  
戶部左侍郎劉璉致仕  
幸郊楊傑嗣昌平侯楊洪子

任辰戶部尚書兼翰林學士陳循為少保兼文淵閣大學士  
工部尚書兼翰林院學士高穀為少保兼東閣大學士

瓦剌太師也先弒其主脫不花脫不花妻也先婦生子  
也先欲立為太子不從也先亦疑其通中國遂召兵相攻脫

脫不花敗走依兀良哈也先盡收其妻子  
馬晉允曰土木之變孽得志此不戴天之仇也幸自

悔悛奉駕南旋而也先弒主既不能與問罪之師李來哈  
刺自相仇殺又不能申天討之義堂中朝何以威示夷

狄乎大約縱逆息民之論與三楊議棄交趾相同假當日  
不使石亨別令郭登楊信輩將兵臨邊聲其弒奪之罪諭

令擇首之賢者立為主責以納璽自贖使長為屬國不  
亦仁昭而義著耶惜乎見不及此貽後世亡窮之患也

談遷曰夷狄篡弒自有恒習革可汗敗財十人走兀良哈  
直亡胡耳且暮之人曾不能待遽殄滅之因僭大號以犯

天下之大不韙是扼隣怒閭部釁而自速其敗也彼免

又何足計哉

正乙未朔

壬申景泰三年

上皇在南宮

丙申太子太傅禮部尚書胡濙太子太保吏部尚書王直俱

進少傅

庚子翰林院侍講學士劉鉉為國子祭酒

辛丑許勳臣祿米麥蕪支初支米鈔

仁宗時蕪米麥近仍

支米鈔

罷納粟補官

蠲順德府灾租萬九千三十餘石

壬寅貴州都指揮張任為參將總督守備貴州

分福建備倭軍舡五哨烽火門小埕澳南日山浯嶼西門澳

總督邊務參贊軍務右僉都御史李秉請汰軍士屯田近郭

從之

甲辰夜大星青白光自紫微垣派天鉤星

丙午

蠲廣東屯租

丁未夜月犯鬼宿

戊申故都督呂毅子瑛先聘指揮使葛覃妹瑛調山海衛娶

千戶俞勝女其葛氏年踰三十字南京千戶劉昱生子女瑛

還爭之法司令歸瑛南京兵部尚書靖遠伯王驥請年久不

回聽改嫁從之

己酉都督僉事郭瑛署都督僉事崔福帶刀宿衛

庚戌仁廟賢妃李氏薨

夜大星青白光自天墜流游氣

壬子蠲廣平逃租二萬二千四百五十石

駙馬都尉石璟使湖廣販鹽下臺獄削籍

癸丑右都御史王文署鴻臚寺事左都御史楊善俱進太子

太保

夜大星青光自天紀涿河鼓三小星隨之

甲寅軍官死減糧賞者俱革職殺官

丙辰報瓦剌脫不花曰前請答使已書報恐小人煩言結

怨亦瓦剌之火不便也今自使來朝肯者聽然亦須人少賞

賜乃得厚漢人在瓦剌者後使俱帶至重賞不吝時脫不



花與也先執殺兵部尚書于謙武清侯石亨乞統京營分往  
宣大討之不許

廣東深賊陷石康縣

逮致仕戶部左侍郎劉璉時巡按監察御史鄭韶戶部郎中

汪濂劾其盜餉例戍上念其在邊以宥致仕

築海鹽縣石塘

戊午張寧嗣安鄉伯張安弟

故浙江按察副使陶成贈布政司左叅政故僉事王晟贈左

叅議故叅議耿定贈副使縣丞張智許中和徐瑾贈副理問

誅致仕都司于利賓等

己未萊州知府崔恭為廣東右布政使

辛酉紫荊閩守備都督同知顧興祖小龍門守備署都指揮

僉事周晟受部曲賂俱下獄命左軍右都督陶瑾署都指揮

同知劉全代之

癸亥曉刻東南黑雲如人戴笠北指

二月丑朔巡撫直隸監察御史朱驥下獄

丁卯作駝房於鄭村壩

戊辰暫得陝西四川巡茶行人

己巳募商中鹽獨石馬營

庚午浦城縣丞何俊為知縣

辛未戶部右侍郎兼翰林院學士江淵為吏部左侍郎國子

監祭酒兼學士蕭鑑為戶部右侍郎仍兼學士

山東按察僉事姜永贊理山海等處軍務

進士高明戚寧馬文升周必死洪弼夏埏白良輔李嶽伍善

張璣俱為監察御史劉敷應欽為南京監察御史

壬申吏部左侍郎翰林院學士江淵以京師久雨雪請青災

釋赦何詔蠲景泰二年稅糧三分今又追徵失信 上是之

於是錄日末戒者象

己卯勅廣西左副總兵都督僉事武毅提督軍務刑部右侍

郎李棠會廣東右副總兵都督董興兵千五百人勦梧州及

茂名大藤等賊

增山東布按二司官各一理餉遼東山西布按二司官各一

理餉宣府

蠲海州元年災租二萬三千七百一十石

壬午瓦剌大師也先報河汗之報獻馬二也先殺元裔幾盡

吞併諸部東至女直西至赤斤蒙古

蠲漕輓軍民例輸蘆葦

癸未放輟朝例禮部言諸司職掌公侯故輟朝三日都督至

都指揮故輟朝二日公侯外故輟一日觀還京仍輟三日其

親王公主王郡主薨輟朝俱特旨永樂間伊王薨輟十日素服

西角門永安公主薨輟四日命今後禮如永樂例

募民運東運米千石於開原海州運千石於鉄嶺衛俱賜冠

帶

乙酉上皇第五子見澗性淑妃高氏出

以宣府萬億庫雜物賑宣府

右副都御史劉廣衡錄囚南京

丙戌翰林院編脩楊鼎為侍講

禁各王府內官內使舍人私出入

丁亥召四布政使張惠

戊子太子太保兼戶部尚書金濂下獄以違詔追徵景泰二

年夏稅銀布絲絹見學士江淵奏中被劾

前河南左布政使李昌祺卒昌祺廬陵人進士選庶吉

士預脩永樂大典稱博洽擢禮部主客郎中薦授廣西左右布

政使德綏谿洞諸蠻尋註悞謫役房山宥改河南會夏去起

復貧不能殮其詩文敏瞻流麗時革重之  
湖廣貴州臻剖五等處苗叛命總督軍務右都御史王來  
總兵官保定伯梁瑄會巡撫四川左僉都御史李廷等勅撫  
庚寅命罪人於京倉運赴宣府

辛卯都督僉事李端為都督同知專使瓦剌  
壬辰釋金濂裁太子太保

召提督遼東軍務左都御史王翱還京  
副都御史鬼深提

督軍務  
宜黃縣大疫

癸巳夜大星二皆青白光一角宿涿斗杓一明堂流軒轅

三甲午朔許雲南文職土流官納粟普定衛賜封

夜孛星見畢

丙申中書舍人王采董璵劉文為吏部郎中采璵仍直內閣

湖廣署都指揮僉事畢通守備武岡州知府人徽燁等反狀  
不奏請戍開平

丁酉命大同今年糧芻納本處倉塲

戊戌召鎮守四川行都司大理寺右少卿張固

兵科都給事中葉威吏科左給事中程信為山西山東右叅

政分督邊儲  
辛丑琉球入貢

中軍都督僉事范雄為都督同知

工部尚書金濂還戶部

定六科叙監察御史上

令親王自令節外毋飲諸守臣

甲辰命錦衣衛指揮僉事畢旺領事京師

乙巳起復兵部左侍郎俞綱

丙午戶部右侍郎孟鑑往山西備運大同

壬子封公銳宜川王

勅監察御史王允往廣東令都督董興提兵往廣西會都督

武毅征潯梧柳慶賊

乙卯新寧伯譚裕卒

丙辰召南京禮部尚書儀銘

戊午左副總兵左都督毛福壽鎮守雲南金齒騰衝

己未右僉都御史韓福為右副都御史仍叅贊寧夏軍務

募納粟廣西授百戶縣佐等秩

庚申南京翰林院侍講學士周叙卒叙字功叙吉水人永樂

戊戌進士選館授編脩實錄成進脩撰歷侍讀南院侍講學士請脩采史未就再言事上皆納之文章優贍所著唐詩類編石谿居士集行世  
辛酉彭時服闋補翰林院侍讀初時直閣喪母再乞終制始允遂忤旨

雲南都指揮使方瑾卒瑾全椒人襲交州中衛指揮僉事調六涼衛善料敵從征麓川多效謀云

壬戌召鎮守陝西左都御史陳鎰還京以刑部右侍郎耿九疇鎮守陝西

四明子朔

工有意廢

東宮立其子見濟未敢發也太監王

誠舒承請先賜諸大臣金於是賜少保戶部尚書兼文淵閣

大學士陳循少保戶部尚書兼東閣大學士高穀各百金吏

部左侍郎兼學士江淵禮部左侍郎兼學士王一寧戶部右

侍郎兼學士蕭鏊翰林學士商輅各五十金亦未敢發

又丑戶科都給事中李侃等劾中軍都督僉事石彪蒼頭占

慶都民田命覈還之仍通戒勲戚大臣

戶科給事中李錫言先祿寺錢料殊少乞停四月一日午節

等宴賜金工以舊制不允

海寇起  
庚申年  
九月  
劉本  
劉本

楚鳳等擊斬十級擒五人

夜大星青白光自織女流雲中

壬申女直指揮高裡勒禿等五人來歸改秩海州蓋州二衛

乙亥免山西太平縣逃租

丙子徙原武縣於古卷先是前河決陷縣

戊寅宿遷主簿應永富為知縣

發三十萬金羅餉於陝西宣府大同遼東

海寇犯潮州柘林鎮

己卯湖廣按察副使安福彭琉致仕琉永樂進士授政

和知縣坐事免起臨清教諭薦授翰林編脩遷廣東提學僉

事文教大振進山西按察副使仍督學改廣東以廉直聞

庚辰禁文職避軍匠竊籍置產在任或隣境規脫役者廣西

按察使王增祐言其詭

辛巳巢縣知縣閻徽加廬州通判

免金華處州逋租二萬九千四百四十餘石

壬午進士曹衡為吏科給事中

丁卯夜金星犯六諸王星

庚午南京工部左侍郎吳政致仕

辛未入狗河塞把總指揮楚鳳等擊斬十級擒五人

夜大星青白光自織女流雲中

壬申女真指揮高捏勒禿等五人來歸改秩海州蓋州二衛

乙亥免山西太平縣逃租

丙子徙原武縣於古卷先是前河決陷縣

戊寅宿遷主簿應永富為知縣

發三十萬金糴餉於陝西宣府大同遼東

海寇犯潮州柘林鎮

己卯湖廣按察副使安福彭琉致仕琉永樂進士授政

和知縣坐事免起臨清教諭薦授翰林編脩遷廣東提學僉

事文教大振進山西按察副使仍督學改廣東以熹直聞

庚辰禁文職避軍匠竈籍置產在任或隣境規脫役者廣西

按察使王增祐言其詭

辛巳棗縣知縣閻徽加廬州通判

免金華處州逋租二萬九千四百四十餘石

壬午進士曹衡為吏科給事中



癸未免直隸興化縣旱災田租二萬四千六十餘石

甲申初廣西思明土知府黃瑯致仕子鈞嗣職瑯庶兄都指揮瑤庶長也鍊嫡而少鍊怨鈞都指揮瑤以瑯庶兄子備潯州兵威甚振欲殺鈞并奪鍊而襲之計授鍊兵五千夜馳入府襲殺瑤支解鈞甕瘞之詐言盜入府明日鍊入城舉哀請瑤捕盜瑤即發鍊罪若為瑤伸理者巡撫刑部右侍郎李棠使叅政魯翬副使劉仁宅往治瑤陰持金多遺翬仁宅外挾兵勢相抗撓仁宅陽許之留翬於潯與約去至南寧瑤二子迓仁宅伏甲縛之亦誘執瑤於潯以聞詔下廣西獄瑤懼遣

千戶素洪叩關上言

高皇帝龍飛淮甸定鼎開基所期聖

子神孫博之亡窮胡寇犯邊

太上輕屈萬乘被遮廷扈

從群臣天下將士十喪一乘勝長驅迫京畿豈幾殆

非列聖在天之靈預誕皇躬繼登大寶天下臣民何所

歸嚮此皇天所以眷陛下也陛下即位已踰二年東

宮尚仍太上之舊豈念太后太上有所不忍臣惟太子

天下本古人云天與不取反受其咎竊恐日月淹久議論妄

生人心易搖爭奪與亂即欲循前代遜讓之美復全天統之

倫勢有不可近者土星逆行太微垣臣測天意殆有垂諭願

早與親信大臣密議易建以一中外之心絕覬覦之望  
大悅曰此宗社重事下廷議衆皆駭愕  
勅南京總督機務兵部尚書靖遠伯王驥年踰於  
就閒娛老南京南京兵部尚書徐琦來質守備機務  
夜火木二星犯危宿  
乙酉議易儲禮部尚書胡濙侍郎蔭琦都幹會群臣議衆知  
不可莫敢言太監興安厲聲曰事不可已不可者無署名何  
遲疑耶陳循等先受金口盡塞循坐左足而署諸臣繼之魏  
國公徐承宗寧陽侯陳懋安遠侯柳溥武清侯石亨成安侯

吳定西侯蔣琬駙馬都尉薛桓襄城伯李瑾武進伯朱瑛  
卿伯陳輔安卿伯張寧都督孫鏜張軌劉深張通郭瑛劉鑑  
張義錦衣衛指揮同知畢旺曹敬指揮僉事林福尚書王直  
陳循高穀何文淵金濂于謙俞士悅左都御史王文楊善王  
翱侍郎江淵俞山項文曜劉中敷沈翼蕭鏊王一寧李賢周  
瑄趙榮張敏通政使李錫通政欒暉王復叅議馮貫卿蕭維  
楨許彬蔣守約齊整李賓少卿張固習嘉言李宗周蔚能陳  
誠黃仕雋張翔濟政寺丞李茂李希安柴望鄒鏞楊詢王溢  
翰林學士商輅都給事中李讚李侃李春蘇霖林聰張文質

各道御史王震朱英徐謙于泰亨強宏劉琚陸厚原傑嚴樞  
沈義楊瑄左賜皆言父有天下傳之子三代享國長久皆用  
此道宜從朕言詔曰卿等所列皆右義近者者舊內臣亦來  
勸導與卿奏同朕不敢專工請皇太后太后曰但欲宗  
社永安天下太平人心如此政當順之朕不敢違禮部其具  
儀擇日以聞始署議時諸臣盡唯惟王直與刑科都給事  
仲林聰囁嚅然竟不敢言  
置陳官官屬寧陽侯陳懋武清侯石亨少傅禮部尚書胡濙  
少傅吏部尚書王直俱兼太子太師安遠侯柳溥少保戶部  
尚書兼文淵閣大學士陳循少保工部尚書兼東閣大學士  
高穀少保兵部尚書于謙俱兼太子太傅都督僉事張軌吏  
部尚書何文淵戶部尚書金濂南京禮部尚書儀銘刑部尚  
書俞士悅工部尚書兼大理寺卿石璞左都御史陳鑑王翱  
俱太子太保吏部左侍郎江淵禮部左侍郎王一寧戶部右  
侍郎蕭鏊俱太子少師仍兼學士吏部左侍郎俞山為太子  
少傅兵部左侍郎俞綱為太子少保翰林學士商輅為兵部  
左侍郎兼左春坊大學士仍舊任戶部左侍郎劉中敷兼太  
子賓客太常寺少卿習嘉言為詹事吏部右侍郎項文曜禮

部右侍郎薩琦俱兼少詹事禮部右侍郎鄒幹兼左庶子翰林侍讀彭時侍講劉儼為左右春坊大學士周旋趙恢為左右庶子脩撰林文侍講徐瑄為左右諭德脩撰李紹侍講劉定之為司經局洗馬侍講楊鼎現謙呂原脩撰柯潛為左右中允俱兼舊秩都給事中李佩監察御史魏齡為詹事府丞編脩周洪謨劉俊岳正檢討錢溥為左右贊善編脩萬安李泰都給事中林聰典簿鄒循俱為司直即侍書陳穀徐泌監丞鮑相縣丞高誠俱為清紀即檢討曾暹傅宗五經博士陸藝典籍李鑑俱兼司諫編脩王與兼司經局校書中書舍人劉鈺趙昂兼正字教諭李瓊為檢書待詔趙政為詹事府主簿教諭劉潔為錄事序班楊欽王政周寧傅榮為通事舍人

丁亥宮孤俱兼三俸王直等疏辭不允

戊子通政使李錫大理寺卿蕭維楨左副都御史羅通俱為

太子少保

仍設兩京飯堂

都督同知王通卒通成寧人父真從請難歷都指揮使戰死  
淝河永樂初贈金鄉侯加贈寧國公封通武義伯祿千二百  
石七年治方中進封成山侯予世宣德初拜征夷將軍鎮交

吐黎利反不能守下獄削籍正統己巳起都督僉事尋進同  
知卒子琛授景陵衛指揮僉事  
夜金星犯井  
庚寅脩孝陵  
寇廣寧義州

壬辰裁永寧鎮寧州同知判官

五月己朔辰哇國王巴刺武入貢

設宣府諸處養濟院

是日陳東宮儀伏奉天門有男子持赤挺直入擊香亭奮

呼曰先打東方甲乙木內使縛之命下錦衣獄瘦死

甲午立見濟為皇太子廢皇后汪氏立見濟母妃杭氏為

皇后詔曰天佑下民作之君實遺安於四海父有天下傳之

子斯本固於萬年朕長子序在倫先宜正東宮事方聞於

聖母遽見允於輿情復以皇后之謙冲固遜軒龍於有子

再三陳懇理順名端肆循慈訓之諄兼遂賢情之切冊朕長

子見濟為皇太子其母杭氏為皇后大本既正彝倫亦明親

之誼尤所當敦太上皇帝長子見深更封沂王次子見

清榮王見淳許王同屏國家衛安宗社爰推恩於遠邇庸資

擗於臣民所有合行事宜條列於後云云於戲綱常正而家  
道雍式弘敷於化本儲副專而國統續庶永固於基圖

田汝成曰至今人言易儲事謂肅愍卷舌而不諫殆有罪  
焉而其子孫作家狀亦云景皇帝大漸時肅愍草疏請  
復辟欲上而不果是殆為祖父文過語正不當爾也肅愍  
豈其情耶所見或有一道焉第陳循因夷甫之議而承以  
為功肅愍不為開陳大體何也其後鍾御史同章儀制綸  
廖少卿莊相繼請復儲被杖瀕死瓌之遺禍可勝誅哉  
王世貞曰易儲之際人不效而以譏于王二公甚亡謂也

于公所職者兵事而已居密勿主此事者陳芳洲輩也執  
筆首議者胡忠安也為六卿首者王文端也芳洲輩初與  
高文義賜百金江淵王一寧蕭錫商輅半之事定復各賜  
黃金五十文端忠安俱加太子太師而于公不過太子太  
傅王毅愍以正月與興濟楊善加太子太保至增置宮之  
際蓋王不與陞而于不與賞也大概略可推矣詔諸公二  
俸俱支而于獨再辭不允今奈何以易儲議之  
崔銑曰銑聞之東白先生張公曰景帝將廢儲而立其  
子令百官各署狀惟給事中東安李侃執筆大慟給事中

林聰退而語人曰惟吾抗議景帝聞之改林為太子司  
直郎林放然自負高選至今諸文集謂林為忠蓋林後尊  
顯諛言相傳耳張紘又曰使李公推勸心於狀豈不毅然  
大丈夫哉是時諫者三人鍾同死於獄章綸廖莊晚雖貴  
咸贖貨敗節也

陳懿典曰易儲之說禍起黃珉彼小人犯大慙訂畫無復  
之為此萬一不死耳而中朝遂無一人言之世傳李侃林  
聰朱英極知不可王直署名有難色陳循曲跪奉筆卒皆  
署名世乃獨以此罪于謙何耶豈以當時親信無過謙者

倘謙出一言事尚可止謙豈畏怯不敢言者則本兵職為  
軍旅宗伯內閣輔臣九卿俱無言故默從象耶而不知

世固責備賢者獨深也讀諸文武列名疏及後受恩賞石  
亨張軫徐理皆在其中故它日不以易儲為罪而以迎立  
外藩文致之可觀矣

談遷曰黃珉脫死妄議易儲然景帝在位久諸壬人必  
倡是說以媚之如徐正請扁銅南城其心猶珉也嗟乎委  
愛子於他人寄空名於大賢自非堯舜傳為安之亦不足  
為景帝病第棗華中捐有同給臂何論沂郊哉當時諸

大臣亟於順旨倘致啟  
上皇方在幽抑何求而不得自  
降詔遜儲尤曲全景帝之私而陳循胡濙輩逢惡之甚  
惜不知出此也

夜大星赤光自文昌流游氣  
乙未大賚文武官吏諸生軍匠等

丙申令百官朔望朝東宮

南海縣丞周重為順德知縣

沙灣暫塞初河決沙灣徑趨海侍郎王永和往治弗效工部

尚書兼大理寺卿石璞復屬治河決如故於是命內臣黎賢

阮洛御史彭誼往協乃築石隄禦決口穿二月河引水益運

決勢漸微始克築塞之

丁酉大理寺卿蔡錫降湖廣布政司左叅政

署都指揮僉事韓智為都指揮僉事鎮守天壽山

朱儀嗣成國公朱勇子

戊戌沈煜嗣脩武伯沈榮子

命巡檢擒盜如舊額始陞

庚子開封南陽汝寧流民復業免徭賦五年都指揮陳紀叅

議豐慶僉事劉懷分理



四川左布政使張惠為南京禮部尚書

鈔法壅申明錢法

戊申少保兼太子太傅兼兵部尚書于謙上古陣圖命行習

之

己酉夜大星赤光自滕蛇流天大將軍二小星隨之

庚戌復劉聚都督僉事

辛亥琉球國中山王尚金福入貢

壬子勅董卜韓胡宣慰司都指揮使克羅俄監繫所侵舊維

州仍還保縣

夜金星犯鬼宿

甲寅邢寬服闋補南京翰林院侍講進侍讀學士

裁武學

丙辰進鎮南王徽燦為岷王封豪機益陽王

鎮守山東左副都御史洪英王暹並進右都御史

進士李秉彝為吏科給事中

鎮守涿州等處都指揮陳旺為署都督僉事仍鎮守

置浙江宣平雲和景寧泰順縣

丁巳金星盡見

己未山西行都司都指揮使孔旺失印下獄

六月戊朔木星晝見

甲子作隆福寺太監尚義陳祥陳謹工部左侍郎趙榮董之

丙寅補築大同邊堡

庚午永和知縣胡貞為應州知州

戶科給事中白瑩言三事戒官員以省糧儲折桑絹以甦民

困申舊典以優官員從之

壬申初未邦宣慰使罕蓋法乞麓川闡景綫之地未報而罕

東兵輒據之以問總兵官沐璘等諭以威德割麓川之底麻

子木邦餘歸麓川

乙亥故事巡撫歲以月入議至是俱留特以其事聞

汪部郎中黎叔林為右侍郎仍理軍器廠

丁丑安南入貢

洛川知縣張軾為綏德知州

復賑隆慶州民

歷城長清蝗命瘞之

己卯勅萬州土判官王琥專撫村洞黎人

隆洛陽縣荒租

庶旅許安南使臣謁太學

宜川主簿張繹為知縣

辛巳吏部稽勲部中陳鈍刑部郎中陳金頌詔朝鮮行人司

正李寬行人郭仲南頒詔安南

免原武等縣灾租二萬九千一百十餘石

禁福建沿海販琉球招寇

賑獨石馬營官軍

癸未鎮守浙江兵部右侍郎孫原貞為尚書

勅官吏故勘平人致死俱論死給事中于泰言其非故殺遂

得貸監察御史左禹言官吏受賄深文與故殺何異先朝恩

宥皆不及此

乙酉昏刻金星犯靈臺

戊子甲明鹽禁

夜金星犯太微垣上將星

己丑太常寺卿蔣守約為禮部尚書南京太常寺卿章文為

南京禮部尚書俱仍署寺事

賑淮安水灾

庚寅錦衣衛千戶謝廷循府軍衛千戶殷善俱為指揮僉事

仍帶俸俱盡工  
雷震大內中門昏刻金星入太微垣右掖門

是月大雨決旬河復決沙灣白馬頭七十餘丈命巡撫山東

右都御史洪英理之弗效

鎮守鳳門閩兼巡撫山西右副都御史朱鑑昭陳循書曰邇

奉明旨更封沂王僕竊遠聞心殊未安夫前者至尊蒙塵

宗社垂危非得長君人心未定姬周輔成不得已也今鑿與

既歸曆數有在委裘而治亦無不可太子仁孝天下共知

在廷文武群臣共立不能夾輔烏可易置僕復有言陛下

於太上皇論骨肉則當避位以全手足論尊卑則當固讓

以盡君臣奈何藉口防微反為幽閉珍羞節其日膳雉堞增

於宮墻是可忍也孰不可忍循省書怒甚

何喬遠曰鑑工循書足振朝議之靡不見傳說而疏名賞

金者獨著於世予得不為之扼腕耶

... 金... 工... 新... 以... 增...  
... 大... 工... 新... 以... 增...  
... 大... 工... 新... 以... 增...



程